

四庫全書薈要

• 乾隆御覽本

集部

欽定四庫全書薈要

集部

五百家註昌黎文集卷二



詳校官助教臣常循

五百家註昌黎文集卷二

宋 魏仲舉 編

古詩

北極一首贈李觀

孫曰觀字元賓其先隴西人
貞元八年與公同舉進士

北極有羈羽南溟有沈鱗

孫曰莊子北溟有魚其名曰鯢鯢之大不知幾千里化而

為鳥其名曰鵬鵬之背不知其幾千里是鳥也海運則將徙于南溟南溟者天池也羈羽謂鵬沈鱗謂鯢也以喻已與觀
川源浩浩隔影響兩無因風雲一朝會

蔡曰後漢

馬武傳論中興二十八將前世以為上應列宿
威能感會風雲杜甫夔府書懷詩風雲際會期變化成

一身誰言道里遠

蔡曰陶潛擬古詩怨道里長里一作遠

感激疾如神我

年二十五

蔡曰時貞元八年也歲在壬申按李漢集序公生于大歷戊申三年今自壬申逆數至戊

申公時年二十五矣

求友昧其人哀歌西京市

蔡曰西京乃長安也唐始都長安選

左太冲詠史詩哀歌和漸離

乃與夫子親

蔡曰夫子謂觀也

所尚苟同趨賢

愚豈異倫方為金石姿萬世無緇磷

祝曰論語不曰堅乎磨而不磷不曰

白乎涅而不緇注磷薄也疏緇墨色也○磷音鄰

無為兒女態

或作女兒態

憔悴悲

賤貧

憔悴音樵悴音萃憂愁也史屈原行吟澤畔顏色憔悴

此日足可惜一首贈張籍

集註籍字文昌吳郡人嘗為公所薦送貞元十五年公時在徐籍往謁公未幾辭去公惜別故作是詩以送之洪曰此詩雜用韻又疊用韻張籍祭公詩用此格歐陽公云退之工於用韻得寬韻則波瀾橫溢泛入傍韻如此日足可惜之類是也得窄韻則不復旁出因難見巧如病中贈張十八之類是也蔡曰按此詩與元和聖德詩多從古韻讀之者當始終以協聲求之非所謂雜用韻也

此日足可惜此酒不可嘗捨酒去相語

去一作須

共分一日

光念昔未知子孟君自南方

孟郊也

自矜有所得言子有

文章我名屬相府

孫曰公仕宣武軍節度使董晉幕府

欲往不得驤

驤駕也思

良切一作行

思之不可見百端在中腸

孫曰謂懷思也

維時月魄死

韓曰書武成旁死魄疏魄形也月之輪郭無光之處朔後明生而魄死望後明死而魄生律歷志死魄朔也生魄望也

冬日朝在房韓曰月令孟冬之月日在房朝早也孫曰房者日月所會之處也如房室

之房書曰乃季秋月朔辰弗集于房是也

驅馳公事退聞子適及牆

補注公在汴張

籍李翱始與公相從其後籍祭公詩云北遊偶逢公盛語相稱明公領試士司首薦到上京翱祭公文云貞元

十二年公在汴州我游自徐始得兄交孟郊有汴州亂後憶韓愈李翱詩蓋此也。牆一作墮

命車載

之至引坐於中堂開懷聽其說往往副所望

音亡祝曰望音忘相

望也詩萬民所望

孔丘歿已遠仁義路久荒

蔡曰趙岐序孟紛

紛百家起詭怪相披猖

唐曰楚辭云何桀紂之披猖王逸云衣不帶之貌五臣云亂也

長老守所聞後生習為常少知誠難得

少詩詔切

純粹古已

亡古或作固譬彼植園木有根易為長

孫曰以喻籍也

留之不遣去

館置城西旁歲時未云幾

未字一作來

浩浩觀湖湘

孫曰言其日進

如有湖湘之大湖一作江

衆夫指之笑謂我知不明

蔡曰明昭也荀子賦篇昭昭乎

知之明也兒童畏雷電魚鼈驚夜光

孫曰漢書明月之珠夜光之璧夜光亦珠類韓

曰廣雅夜州家舉進士選試繆所當

孫曰汴州舉進士愈為考官試反舌

無聲詩馳辭對我策章句何煒煌一作煌煌相公朝服立董

也工席歌鹿鳴

鹿鳴詩小雅孫曰唐制鄉貢進士長吏以鄉飲酒禮會屬僚設賓主歌鹿鳴之

詩因與耆艾敘少長焉

禮終樂亦闕

祝曰闕終也禮記卒爵而樂闕。闕苦穴切

相拜

送於庭之子去須臾赫赫流盛名竊喜復竊歎

一作慷慨乃竊

歎祝曰慷慨竭誠也史記慷慨傷懷。慷慨切慨口慨切

諒知有所成人事安可

恒奄忽令我傷聞子高第日正從相公喪

孫曰貞元十五年高郢知

舉籍登第是歲二月

哀情逢吉語

蔡曰前漢陳湯傳當有吉語聞顏師古注

吉善也懃懃難為雙

補注相如曰聽懃懃而亡聞注耳不諦也。懃音懃許昉切難為雙一

作美
難雙

暮宿偃師西

孫曰偃師縣名今在洛州

展轉在空牀夜聞汴州

亂

孫曰二月乙酉宣武亂軍亂殺留後陸長源

繞壁行徬徨我時留妻子

一作我乃

棄妻

倉卒不及將相見不復期零落甘所丁驕兒未絕

乳念之不能忘忽如在我前

一作所一云在其側

耳若聞啼聲中

塗安得返一日不可更俄有東來說我家免罹殃乘船

下汴水東去趨彭城

孫曰公妻子先往徐州蔡曰唐地理志徐州彭城郡從喪朝

至洛

蔡曰唐地理志洛陽縣屬河南府。一本作至洛陽

旋走不及停假道經盟

津

孫曰盟津即孟津在唐為三城節度使之治所

出入行澗岡日西入軍門羸

馬顛且僵

集注魏志譬策羸馬以取道里羸瘦也前漢即詐僵仆陽病。羸倫為切僵音姜

主

人願少留

孫曰時李元為河陽節度主人謂元也

延入陳壺觴卑賤不敢

辭忽忽心如狂飲食豈知味絲竹徒轟轟

祝曰焉著國傳鼓角轟哄

轟呼宏切

平明脫身去決若驚鳬翔黃昏次汜水

韓曰汜水在河南成

皋縣祝曰說文水別復入水也詩江有汜。汜音似

欲濟無舟航

濟一作過

號呼久乃至

夜濟十里黃

蔡曰前漢地理志陳留郡外黃縣有黃溝

中流上灘潭

洪曰灘潭河陽

縣南有中潭城一作沙潭祝曰爾雅潭沙出注今江東呼水中沙堆為潭。潭音但

沙水不可詳

驚波暗合沓

祝曰選合沓與雲齊合沓重也高也。沓徒合切

星宿爭翻芒

芒

芒宿馬之復悲鳴

一作馬踟躕悲鳴
趙作轅馬踟躕鳴

左右泣僕童甲午

憩時門

蔡曰憩去
例切息也

臨泉窺鬪龍

洪曰左昭十九年鄭大
水龍鬪于時門之外洧

淵時門鄭城門退之過此時豈復有鬪
龍蓋想見其事耳以淵為泉避諱也

東南出陳許

蔡曰

唐陳州今懷寧府
許州今潁昌府也

陂澤平茫茫

蔡曰陶潛詩平原獨茫
茫。平一作何一作路

道邊草木花紅紫相低昂百里不逢人
角角雉鳴 孫曰

角角雉鳴聲雉亦鳴
也。一作雄雉鳴

行行二月暮乃及徐南疆下馬步

堤岸上船拜吾兄

洪曰公有三兄皆早世見于集中者
雲卿之子俞紳卿之子岌皆公從兄

或曰吾兄謂
張籍非也

誰云經艱難

艱字一作儉

百口無天橫

一作殤
蔡曰殤

音傷說文

不成人也僕射南陽公

張建封也

宅我睢水陽

孫曰二月末公至徐州徐

泗濠節度使張建封以公為節度推官祝曰睢水名在徐州前漢大戰彭城靈璧東睢水上公與孟東野書云

主人與余有故居余符離睢上即此也睢音雖

篋中有餘衣盎中有餘糧

盎盆屬下浪切

閉門讀書史

蔡曰後漢王充傳充字仲子閉門潛思清楚國先賢傳孫敬字文寶常閉戶讀書清

風窓戶涼

一作窓戶清風涼又一作窓戶忽已涼趙作窓戶風已涼

日念子來遊子

豈知我情

孫曰言籍亦繼至徐

別離未為久辛苦多所經對食每

不飽共言無倦聽連延三十日

蔡曰公時與籍款會幾一月也

晨坐達

五更我友二三子宦遊在西京

孫曰西京長安也

東野窺禹穴

孫曰禹穴在會稽補註公時與東野書云張籍在和
州居喪家甚貧速圖之余之望也故此詩有是句李

翱觀濤江

補註李習之論性末云南觀濤江人于越而吳郡陸參存焉與之言參曰尼父之心也翱

觀濤江豈此時乎蔡曰李翱字習之公兄弇之婿也文選枚乘七發篇將以八月之望往觀濤乎廣陵之曲江

蕭條千萬里會合安可逢淮之水舒舒楚山直叢叢

孫曰

淮楚皆在徐境舒舒叢叢山水貌韓曰唐子西云退之作古詩有故避屬對者此二句是也

子又捨

我去

洪曰公與孟東野書云張籍在和州居喪家甚貧冀足下一來相視也籍和州烏江人貞元十五年

登第見公子徐州而歸也

我懷焉所窮

焉一作安

男兒不再壯百歲如風

狂高爵尚可求無為守一鄉

蔡曰按此篇押二光字二鳴字二更字二狂字胡仔

謂退之好重疊用韻以盡已之意蓋不恤其為病也

幽懷

幽懷不可寫行此春江潯

韓曰潯旁深也又水涯選弭節乎江潯○潯除心切適

與佳節會士女競光陰凝粧耀洲渚繁吹蕩人心祝曰禮記

命樂師大合吹孫曰吹箏笛聲也○吹尺偽切義與平聲同間關林中鳥知時為和

音知時或作亦知為和或作和為豈無一罇酒自酌還自吟但悲時易

失蔡曰前漢崩通傳夫功者難成而易敗時者難值而易失時乎時不再來四序迭相侵我

歌君子行韓曰古樂府有君子行注謂君子之道宜守謙為不履猜疑之地瑟有三調此曲處平調

視古猶視今

蔡曰列子楊朱篇楊子曰五情好惡古猶今也四體安危古猶今也世事苦樂古猶

今也變易治亂古猶今也

君子法天運

孫曰天運四時之運

君子法天運四時可前知

孫曰謂寒暑可前知期也可字一作每小人惟所

遇寒暑不可期利害有常勢取捨無定姿焉能使我心

皎皎遠憂疑

蔡曰遠于顧切離也

落葉一首送陳羽

孫曰羽與公

同年登第

落葉不更息斷蓬無復歸飄飄終自異

飄飄一作飄飄

邂逅暫

相依悄悄深夜語悠悠寒月輝誰云少年別

樊曰公時年二十五

故流淚各霑衣

韓曰潘安仁寡婦賦淚流迸而霑衣

歸彭城

樊曰彭城徐州也公為歐陽詹哀辭曰貞元十五年冬予以徐州從事朝正于京師答張

徹詩曰朝京忽同船而此詩曰歸彭城者蓋十六年自京復歸徐也

天下兵又動

孫曰貞元十五年詔諸道兵討彰義軍節度使吳少誠蔡曰孟子梁惠王篇是動天

下之兵也

太平竟何時訐謨者誰子

韓曰詩訐謨定命注無訐大謨謀。訐音吁無

乃失所宜前年關中旱

樊曰十四年冬京師饑

閭井多死饑去歲

東郡水

孫曰十五年秋鄭滑大水東郡滑州也一作東洛非

生民為流屍上天不

虛應禍福各有隨我欲進短策無由至丹墀剝肝以為

紙

剝空胡切

瀝血以書辭

韓曰後漢夫以剝肝斲趾之性注剝割也陸士衡謝平原內史表肝

血之誠終不一聞所以臨難慷慨而不能不恨恨者為此而已

上言陳堯舜

蔡曰孟子我非堯舜

之道不敢

下言引龍夔

蔡曰尚書舜典帝曰夔命汝典樂教胄子龍命汝作納言夔命汝典

出納朕

言詞多感激文字少萎蕤

祝曰萎蕤草木葉垂貌又盛貌選文物共

姜蕤。○姜音透。蕤音縷。或作蕤蕤。

一讀已自怪再尋良自疑食芹雖云

美獻御固已癡

說文芹楚葵也。祝曰列子宋有田夫自曝於日謂其妻曰負日之暄人莫知者

以獻吾君將有重賞又有喜食芹者對鄉豪稱之鄉豪取而嘗之蜚於口慘於腹衆哂而怨之其人大慙韓曰晉山濤為吏部即舉嵇康自代康恨不知已移書責之曰野人有快炙背而美芹子欲獻之至尊雖有區區之意亦已疎矣願足下緘封在骨髓耿耿空自奇昨者到勿似之。○芹音勤。

京師屢陪高車馳周行多俊異

韓曰周行列位也詩云寘彼周行。○行胡郎切。

議論無瑕疵見待頗異禮未能去毛皮

孫曰虛禮也韓曰猶莊周所謂

索我於形也到口不敢吐徐徐俟其巘

孫曰巘山險也謂乘其危險而告之

補注揚子曰巖可抵乎歸來戎馬間蔡曰老子天下無

驚顧似羈雌孫曰孤雌也枚乘曰日暮則迷鳥羈雌宿

鳥懷故林注羈無連日或不語終朝見相欺作我一乘間

輒騎馬茫茫詣空陂遇酒即酩酊祝曰酩酊醉甚。君

知我為誰蔡曰晉書山簡出為征南將軍鎮襄陽時有

載歸酩酊無所知時時能騎馬到著白接籬舉

醉後一作客

煌煌東方星魏道輔云夏英公竦評老杜初秋月云微

升紫塞外已隱暮雲端意主肅宗也洪曰

吾觀退之煌煌東方星其順宗時作乎東方謂憲宗在
儲宮也樊曰按史貞元二十一年正月順宗即位三月
立廣陵王純為皇太子八月立為
皇帝是為憲宗韓曰詩明星煌煌奈此衆客醉初喧或
忿爭忿字一作紛中靜惟嘲戲惟一作雜淋浪身上衣浪音郎真一作漓真
倒筆下字人生如此少酒賤且勤置

醉贈張秘書

孫曰張秘書徹元和四年登進士第娶韓氏
禮部郎中雲卿之孫開封尉俞之女於公為
叔父
孫女

人皆勸我酒我若耳不聞今日到君家呼酒持勸君為

此座上客

蔡曰客一作士後漢孔融傳融字文舉性寬容少忌好士喜誘益後進及退閒職賓客日

盈其門常歎曰坐上客常滿樽中酒不空吾無憂矣

及余各能文君詩多態度藹

藹春空雲

樊曰微詩不見于世唯會合聯句有愁去劇箭飛謹來若泉湧馬辭虎豹怒舟出蛟鼉恐

兩聯亦奇語也

東野動驚俗天葩吐奇芬

韓曰葩華也班固答賓戲馳辨如清波摘

藻如春華芬香

張籍學古淡軒昂避雞羣

孫曰晉書嵇紹始入洛或

謂王戎曰昨於稠人中見嵇紹昂昂然如野鶴之在雞羣

阿買不識字

趙堯夫曰或問魯直阿買

是退之何人答云退之姪必有所據而云韓曰此頁口必其子姪小字如陶淵明家阿舒阿宣之類耳

皮知

書八分

樊曰秦瓌古文有八體其一隸書今八分也孫曰書苑云八分者秦羽人上谷王次仲飾隸書

為之鍾繇謂之章程書蔡曰按郭氏佩觿八分之說
有二或曰八分篆法二分隸文又云皆似八字勢有
偃波二說皆非也書有八體一曰大篆二曰小篆三曰
刻符四曰蟲書五曰摹印六曰署書七曰殳書八曰隸
書漢蔡邕以隸作八分體蓋八分之後又分此法謂之
八分杜甫八分歌云陳倉石鼓今已訛大小二篆生八
分詩成使之寫亦足張吾軍韓曰左傳楚鬬伯比曰我
張吾三軍而被吾甲兵以

武臨之 所以欲得酒為文俟其醺醺醉也酒味既冷冽祝曰玉篇

冽寒氣詩冽彼下泉注冽寒也詩本有從水者非冷字一作冷。冽音列酒氣又氤氲祝曰氤氲

氣也選元氣氤氲。氲音性情漸浩浩諧笑方云云此
因氲於云切又字一作亦

誠得酒意餘外徒繽紛祝曰繽紛雜亂也家語
旂旒繽紛。繽紛匹賓切長安衆

富兒盤饌羅羶葷

孫曰葷辛臭菜祝曰禮記膳葷。葷許云切

不解文字飲

補注東坡詩云賢王文字飲文字先生飲皆祖此語惟能醉紅裙雖得一餉樂補注

東坡詩免使退之有如聚飛蚊蔡曰前漢中山靖王傳聚蠱成雷顏師古注蠱

古蚊字雷古雷字言今我及數子固無猶與薰孫曰僖公五年

左氏一薰一蕕十年尚險語破鬼膽補注開元天寶遺事云李杲為洛陽

令有劉兼者過其境宿夜深聞戶外語聲曰古今正人

李令是也見其行事令人破膽開戶視之無物乃鬼神

也蔡曰淮南子昔倉頡作書而鬼高詞婉皇墳祝曰爾雅妃婉

也注相偶婉也樊曰書序伏羲神農黃帝之書謂至寶

之三墳皇墳三皇墳書也。婉匹詣切一作動

不雕琢

一作琢

神功謝鋤耨方今向太平元凱承華勛

孫曰

文十二年左氏高陽氏有才子八人謂之八凱高辛氏有才子八人謂之八元書堯曰放勳舜曰重華韓曰時

憲宗即位杜黃裳鄭餘慶李吉甫裴垍李藩之徒相繼為相故云○華胡瓜切勛許云切吾徒幸無

事

蔡曰史記犀首名衍姓公孫氏楚使陳庶以窮朝

曉見之曰公何好飲也犀首曰無事也庶以窮朝

同冠峽

唐曰集有同冠峽二詩一云囚拘念輕矯一云無心思嶺北皆赴陽山時作也

南方二月半春物亦已少維舟山水間晨坐聽百鳥宿

雲尚含姿朝日忽升曉羈旅感和鳴囚拘念輕矯潺湲淚

久迸

祝曰潺湲水流貌楚詞云橫流涕兮潺湲○潺士山切又士連切湲音圓又獲頑切

詰曲思

增繞

孫曰詰曲反覆也○思息嗣切

行矣且無然蓋棺事乃了

韓曰劉毅云丈夫兒

踪跡不可尋常便混羣小中蓋棺事方定矣韓詩外傳云孔子曰學而不已闔棺乃止補注杜詩蓋棺事則已

送惠師

樊曰公宴喜亭記曰太原王洪中在連州與學佛之人景常元慧者游惠師豈元惠耶其詩云自來連州寺洪中時為連州司戶參軍公其屬邑陽山令也

惠師浮屠者

孫曰袁宏漢紀云浮屠佛也

乃是不羈人

孫曰不羈者以馬為喻言

不受羈馬也韓曰鄒陽上吳王書使不羈之士與牛馬同皂注不羈無所拘繫也又司馬遷傳少負不羈之才十五愛山水韓曰晉史李太后傳會有道士許邁者朝臣時多稱得道帝從容問

答曰是好山水人本無道術

超然謝朋親一作同

脫冠翦頭髮飛步

遺踪塵

飛一作孤

發跡入四明

孫曰四明山名在明州韓曰與下禹穴並在今越州

梯

空上秋旻

孫曰爾雅云秋為旻天言惠師初游四明山當秋時梯空而上也

遂登天台

望

韓曰天台山名在台州

衆壑皆嶙峋

韓曰嶙峋深崖貌選階楮嶙峋祝曰前漢嶺嶠嶙峋

孫曰嶙峋小山貌言惠師次登天台見衆山皆小也。嶙音鄰峋音詢

夜宿最高頂舉頭

看星辰光芒相照燭南北爭羅陳茲地絕翔走自然嚴

且神微風吹木石澎湃聞韶鈞

韓曰水勢澎湃也韶鈞皆樂名舜九韶之樂天

帝鈞天之樂孫曰水石相擊其聲澎湃如樂音也補注相如曰洶湧澎湃。澎湃音彭拜切

夜半起

下視

半字一作中

溟波銜日輪

孫曰日出海上

魚龍驚踴躍呌笑成

悲辛

笑一作嘯

怪氣或紫赤敲磨其輪困

韓曰輪困屈曲貌鄒陽傳蟠木輪困離

奇。

困

金鷄既騰翥

韓曰金鷄日也

隋康孟詵日詩金

去倫

切

貌祝曰楚詞鸞鳥軒翥而翔飛後漢賓客雜襲騰翥。

翥章起切蔡曰山海經曰上於扶桑一日方至一日方

出皆戴於鳥注一日方至一日方出言交

會相代也日中有三足鳥故云戴於鳥也

六合俄清新

孫曰已上皆言

常聞禹穴奇

孫曰司馬遷上會稽探禹穴禹巡狩至會稽而崩因

葬馬上有孔穴在今越州東去窺甌閩

韓曰甌閩即今福建路孫曰漢高帝立亡諸為閩越王惠

帝立搖為東甌王甌閩百越之地去一作下

越俗不好古流傳失其真幽蹤

邈難得聖路嗟長堙

孫曰聖路謂舜禹南巡之路祝曰堙塞也左氏甲寅堙之。堙音因

迴臨浙江濤

韓曰說文江水東至會稽山陰為浙江

屹起高峨岷

峨岷二山名

壯志死不息

洪曰謂伍胥也續齊諧記云子胥死戒其子投於江中當朝暮乘潮以觀吳之敗自

是海門山潮頭洶湧高數百尺越錢塘漁浦方漸低小朝暮再來其聲震怒雷奔電激聞百餘里時有見子胥乘素車白馬在潮頭之中因廟以祠按越絕書子胥死捐於大江發憤馳騰氣若奔馬乃歸神大海水經云錢塘江濤二月八月最高峨峨二丈有餘吳越春秋以為子胥文種之神謂此也孫曰秦始皇三十七年出遊至

錢塘臨浙江水波惡乃西百二十年如隔晨是非竟何
十里從狹中渡壯志謂始皇也

有棄去非吾倫凌江詣廬嶽韓曰廬嶽廬山在今之江州浩蕩極遊

巡崔萃沒雲表祝曰崔萃高貌選云隆窟崔萃崔祖回切萃慈卹切陂陀浸湖

淪陂陀不平之貌祝曰楚詞侍陂陀些釋文不平也孫曰湖謂彭蠡也言廬山上沒雲表下浸湖淪淪岸也

音碑陀音沱又陂音何切是時雨初霽懸瀑垂大紳祝曰懸瀑飛泉也選瀑布

飛流以界道孫曰廬山有瀑布高數百丈如大帶之垂也。瀑音僕大一作天前年往羅浮集注

羅浮山名在今廣州步戛南海濬韓曰戛輾之也杜詩漢陂行船舷暝戛雲

際寺補注濬水際也選東都賦西盪河源東澹海濬。戛訖點切濬音屑大哉陽德盛榮茂

恒留春

孫曰嶺海不寒故云留春

鵬騫墮長翮

騫飛騰也

鯨戲側脩鱗

祝曰

鯨海大魚左氏取其鯨鯢選駭鯨之決細網。鯨音擎

自來連州寺曾未造城闌

祝曰闌城上重門孫曰詩出其闌闌者是也。闌音因

日攜青雲客

孫曰青雲客謂方外高士

。攜戶圭切雲字一作春

探勝窮崖濱太守邀不往

一作得

羣官請徒

頻

一作其志信不羣

囊無一金資翻謂富者貧

謂一作為

昨日忽不

見我令訪其鄰

令一作今

奔波自追及

波一作走

把手問所因顧

我却興歎君寧異於民離合自古然辭別安足珍吾聞

九疑好

孫曰皇覽曰九疑在零陵營道縣其山九疑相似故名九疑舜葬於此韓曰九疑山在零陵營

道縣零陵今永州而營道則隸道州矣今九疑在焉補注山海經曰蒼梧之川其中有九疑山漢武巡狩祀舜

此于夙志今欲伸斑竹啼舜婦孫曰博物志有云洞庭之山帝之二女以涕揮竹竹

斑盡清湘沈楚臣韓曰史記屈原仕楚為上官大夫所讒懷石投汨羅而死衡山與洞

庭韓曰衡山在今岳州此固道所循尋崧方抵洛孫曰嵩高在洛

歷華遂之秦孫曰太華山在華州祝曰爾雅華山浮游為西嶽書南至於華陰。華胡化切

靡定處偶往即通津樊曰詩意送惠自連州將窺九疑遊衡山過洞庭尋崧抵洛歷華之

秦無往而不可矣吾言子當去子道非吾導孫曰吾公自謂子謂惠師也江

魚不池活野鳥難籠補注潘安仁秋興賦序云譬猶池魚籠鳥有江湖山藪之思祝

曰馴擾也從也列子無不柔馴鳥一作驚。馴音循

吾非西方教

韓曰後漢西域志西方有神名

曰憐子狂且醇吾嫉情遊者憐子愚且諄

孫曰誠慤貌也音朱倫切

去矣各異趣

祝曰趣趣向選動中得趣趣音娶

何為浪霑巾

韓曰潘岳懷舊賦涕

泣流而霑巾浪一作淚

送靈師

孫曰公時為陽山令作

佛法入中國爾來六百年

孫曰按後漢明帝夢見金人問羣臣或曰西方有神名曰

佛其形長丈六尺而黃金色於是遣使天竺問佛道法圖畫形像以歸其教因流入中國此詩蓋據漢明帝時

言之爾故其佛骨表云自後漢時流入中國又云漢明
帝時始有佛法也樊曰劉孝標註世說引劉向列仙傳
序云歷觀百家之中以相檢驗得仙者百四十六人其
七十四人已在佛經又漢武故事昆耶王殺休屠王來
降得其金人之神置之甘泉宮其祭惟燒香禮拜上使
從其俗祀之則是佛入中國始自漢武至成哀間已有
經矣補注杜致行守約編亦曰漢武作昆明池掘地得
黑灰東方朔云可問西域道人西域道人佛之徒也又
開皇歷代三寶記云劉向稱予覽典籍已見有經將知
周時久流釋典秦雖焚除漢興復出則先漢之前逆至
于周有佛有經其來也遠范曄胡為以謂明帝之時佛
始入中國耶退之一世大儒非承襲謬誤者將由心惡
其教不復詳考齊民逃賦役也齊平高士著幽禪孫曰著
其源流所自耳

曰附也前漢因取奇言怪官吏不之制紛紜聽其然耕
語而附著之。著直畧切

桑日失隸

孫曰隸氓隸也

朝署時遺賢

孫曰朝署朝行也

靈師皇甫姓

肩胷本蟬聯

孫曰肩繼也胷係也肩胷謂姓氏所出蟬聯聯續之貌補注南史宋王鈞七葉之中

爵位相繼人人有集沈約語人云自開關以來未有爵位蟬聯文才相繼如王氏之盛

少小涉書

史早能綴文篇中間不得意失跡成延遷逸志不拘教

軒騰斷牽攀圍碁鬪白黑生死隨機權六博在一擲

韓曰

楚辭宋玉招魂崑蔽象碁有六博王逸注云投六箸行六碁故為六博也南史桓玄聞劉毅起兵曰毅家無儋

石之儲樗蒲一擲百萬

島盧叱迴旋

韓曰宋劉毅與劉裕樗蒲毅以為不

共舉大事何謂不成

能裕惡之因按五木既而四子俱黑其一子轉躍未定裕厲聲喝之即成盧毅意殊不快也宋玉招魂有成島

而牟呼五白鳥勝也杜詩袒跣不肯成鳥廬鳥古堯切
祝曰廣韻搗子檣蒲采名唐李文公集五木經毗采六

開塞搭禿檣搗則鳥爭戰誰與敵爭一作文浩汗橫戈
宜從搗。搗居言切

鉦祝曰鉦小矛也方言五湖之間謂矛為鉦選戈鉦彗雲。鉦一音蟬又音延飲酒盡百醖

祝曰醖盃也禮記醖箏及尸君音義夏曰嘲諧思愈鮮
醖商曰箏周曰爵盡一作逾又一作餘

有時醉花月清唱高且綿選文賦譬偏絃之獨張含清
暢而靡應綿遠也一作高唱

清且四座咸寂默韓曰張協詠史詩顧謂杳如奏湘絃
四座賓多財為累愚

孫曰謂湘尋勝不憚險黔江屢洄沔黔州令有黔江縣
祝曰爾雅逆流而

上曰沔洄詩邈洄從之書注順流而下曰沔書瞿塘五
沔于江海選水涉盡沔沔。沔音回沔音緣

六月

祝曰瞿塘三峽險也荊州志灩澦如馬瞿塘莫下灩澦如象瞿塘莫上杜詩好過瞿塘灩澦堆。瞿音

衡

驚電讓歸船

讓責讓也

怒水忽中裂千尋墮幽泉

補注說文云尋

義與尋字同作濤者非

環迴勢益急

環一作還

仰見團圓天

團圓一作團圓

投

身豈得計性命甘徒捐浪沫威翻涌漂浮再生全同行

三十人

一作二十人一作二三人

魂骨俱坑填靈師不掛懷冒涉道

轉延

孫曰冒犯跋涉延遠也

開忠二州牧

集注樊曰世多以開忠二州牧為韋處厚白居易

易考之紀傳韋處厚為開州刺史在元和十一年八月白居易為忠州刺史在十三年冬是時韋白俱未為開

忠二州牧也孫氏謂韋處厚為開州陸贄時為忠州必有所據而云但以開州為韋處厚尚與樊氏所載年月

不合姑志之詩賦世多傳世一作時失職不把筆珠璣為君

編孫曰璣珠之不圓者韓曰江淹謂郭強留費日月其

兩密席羅嬋娟孫曰羅羅列嬋娟美色也韓昨者至林

邑孫曰林邑本南方國名為隋使君數開筵一作數數

逐客三四公韓曰李斯為秦逐客盈懷贈蘭荃蘭荃皆香草韓曰

楚辭荃蕙化而為茅選席湖游泛潏沔韓曰潏沔廣貌

沔沔音莽溪宴駐潏潏孫曰潏潏水別語不許出行

裾動遭牽鄰州競招請書札何翩翩祝曰札簡札也翩

十月下桂嶺

孫曰桂嶺縣在賀州

乘寒恣窺緣落落王員外

樊曰謂王

仲舒也仲舒自吏部員外郎貶為連州司戶參軍與公陽山同年貶又同在連州唐曰見公宴喜亭記

爭

迎獲其先自從入賓館占悵久能專

悵鄙也音吝

吾徒頗攜

被

頗一作或被一作或

接宿窮歡妍聽說兩京事分明皆眼前縱

橫雜謠俗瑣屑咸羅穿材調真可惜朱丹在磨研

韓曰陶微

詩對酒展塵編朱黃加釋注孫曰磨研猶琢磨也

方將斂之道且欲冠其顛韶

陽李太守高步陵雲烟得客輒忘食開囊乞繒錢

祝曰乞與

也繒帛也禮記瘞繒宣祝嘏辭說。乞音氣一作緡錢

手持南曹敘

樊曰唐制吏部員外郎一

人掌判南曹曹在選曹之南故曰南
曹仲舒自吏部員外郎貶謂仲舒也
字重青瑤鑄祝曰

鑄也斷也前漢鑄金石
者難為功。鑄子全切
古氣參彖繫韓曰謂易之彖象繫辭也一作彖象

高標摧太玄韓曰揚子著太玄經
維舟事干謁補注杜詩獨披讀

頭風痊祝曰病痊莊子今予病少痊孫曰典略曰魏太祖

祖先苦頭風是日病發讀琳所作翕然還如舊相識還

起曰此愈我病。痊音詮又張緣切
一作傾壺暢幽悃祝曰暢通也幽悃憂悒也忿也詩

頗似傾壺暢幽悃中心悃悃。悃於緣切又音淵
此復畱滯歸驂幾時鞭

縣齋有懷

韓曰此詩陽山縣齋作貞元十九年公以言
事出至是二十一年順宗即位而作是詩嗣

皇新繼明
謂順宗也

少小尚奇偉平生足悲吒

韓曰吒歎也選郭景純遊仙
詩撫心獨悲吒補注杜詩今

人幾悲吒
叱陟駕切

猶嫌子夏儒

孫曰論語子謂子夏曰女
為君子儒無為小人儒肯

學樊遲稼

孫曰論語樊遲請學稼
子曰小人哉樊須也

事業窺稷卨

祝曰高
商祖也

前漢高不能
計與契同

文章茂曹謝

孫曰茂陵茂也曹
謂子建謝謂靈運

濯纓起江

湖孫曰孟子滄浪之水清兮可以
濯我纓纓所以結冠濯自潔也綴佩雜蘭麝孫曰以

佩飾
也

悠悠指長道

補注詩道
阻且長

去去策高駕誰為傾國媒

樊曰李夫人傳延年歌曰北方有佳人絕世而獨立一顧傾人城再顧傾人國上歎息曰世豈有此人乎平陽

主因言延年有女弟上召見實妙麗善舞由是得幸是為李夫人自許連城價孫曰史記趙王

得楚和氏璧秦昭王聞之願以十五城價請易璧樊曰鍾繇遺曹丕玉玦丕與書云猥以蒙鄙之姿得覩希世

之寶不煩一介之使不損連城之價注初隨計吏貢孫云連城謂十五城秦所以易趙璧者

漢武帝元光六年徵吏民有明當世之務令與計偕計謂上計吏簿也郡國每歲遣詣京師上之貢士偕焉樊

曰朱買臣隨上計吏為屢入澤宮射樊曰禮記諸侯歲卒將重車以入長安

試之於射宮又曰天子將祭必先習射於澤澤者雖免所以擇士已射於澤而後射於射宮注澤宮名

十上勞韓曰戰國策蘇秦說秦惠王書十何能一戰霸上而說不行資用乏絕去秦而歸

孫曰僖二十七年左氏曰一戰而伯文之教也公自貞元八年中進士第貢于京師至貞元十年屢試博學宏

詞不中能

人情忌殊異世路重權詐

作重一蹉跎顏遂低

摧折氣愈下治長信非罪

韓曰論語子謂公冶長可妻也雖在縲紲之中非其罪也

侯生或遭罵

孫曰史記魏有隱士曰侯嬴公子無忌虛左迎之嬴有客在市屠中引車入市下見

其客朱亥睥睨久立與其客語從騎皆竊罵侯生

懷書出皇都

孫曰貞元十一年公東歸河陽

皇都京師也

銜淚渡清灞

韓曰灞水出藍田谷西北而入身渭祝曰選控灞乘漚。灞音霸

將老寂寞志欲死閒暇朝食不盈腸冬衣纔掩髀

祝曰髀腰

骨前漢折脅拉髀。髀枯駕切

軍書既頻名

軍書檄也

戎馬乃連跨大梁從

相公

孫曰貞元十二年公從汴州董晉幕

彭城赴僕射

孫曰貞元十五年公從徐州張建封

幕

弓箭圍狐兔絲竹羅酒肉

韓曰肉之夜切即炙字此言從二州宴獵也

兩

府變炎涼

韓曰貞元十五年董晉薨十六年建封亦薨。炎一作荒

三年就休假

孫曰

自貞元十六年張建封薨公歸洛陽至十九年始除監察御史

求官來東洛犯雪過西

華

過一作經

塵埃紫陌春

韓曰唐人樂府云紫陌青門三十六宮春畫永

風雨靈臺

夜

孫曰陌言紫陌臺言靈臺以天子所居故美言之也詩經始靈臺皆言其在長安靈臺天子觀氣候之臺

也名聲荷朋友援引乏姻婭

韓曰詩瑣瑣姻婭則無牖仕孫曰爾雅曰兩壻相謂

曰雖陪彤庭臣

孫曰謂為御史也彤庭丹墀

詎縱青冥靶

補注漢王褒曰王良

執鞞鞞轡革

寒空聳危闕曉色曜脩架捐軀辰在丁

韓

○鞞音霸

曹子建三良詩誰言捐軀易殺身誠獨難又求自試表云捐軀濟難忠臣之志也孫曰貞元十九年十二月公

以監察御史上天旱人饑疏貶

鍛翮時方

祝曰鍛鳥羽病選鸞

陽山令辰在丁謂上疏之日也

翮有時鍛又蜀都賦鳥鍛翮獸廢足韓曰惜年終祭名廣雅夏曰清祀商曰嘉平周曰大禘秦曰臘樊曰公之

貶陽山令其出以十二月故時方禘也○鍛所介切禘音乍

投荒誠職分領邑幸寬

赦孫曰謂湖波翻日車

韓曰淮南子曰乘車駕以六龍義和為御杜詩西江浸日車

嶺石坼天罅

祝曰罅孔罅續漢書石皆罅裂○罅虛訝切

毒霧恒熏晝炎風

每燒夏雷威固已加颶勢仍相借

颶風見上江陵途中寄三學士詩注○颶

音巨氣象杳難測聲音吁可怕夷言聽未慣蔡曰左氏哀十二年衛侯

歸效越俗循猶乍一作詐指摘兩憎嫌睢盱互猜訝睢盱視上

逆貌祝曰視不明也列子老子而睢睢而盱盱而誰與居○睢音隳盱音吁祗緣恩未報豈

謂生足藉嗣皇新繼明孫曰永貞元年順宗即位率土日流化惟思

滌瑕垢長去事桑柘斷嵩開雲扃祝曰爾雅所斷謂之定注鋤屬嵩山名韓

曰斷斫也選北山移文扃岫崐掩雲關○斷音燭壓潁抗風榭潁水名禾麥種滿

地黎棗栽繞舍兒童稍長成雀鼠得驅嚇韓曰嚇詢嚇莊子鷗得腐

鼠鷗鷗過之仰而視之曰嚇注怒而拒物聲○嚇音鏹官租日輸納村酒時邀迓

閒愛老農愚歸弄小女姁

祝曰姁少女也後漢姁女工數錢。姁涉駕切。如今

便可爾何用畢婚嫁

樊曰後漢向長字子平隱居不仕建武中男女娶嫁既畢敕家事勿

相關當如我死也齊蕭惠基常謂所親曰須婚嫁畢當歸老舊廬公反之爾

題合江亭寄刺史鄒君

孫曰亭在衡州負郭今之石鼓頭即其地也地形特異巋然崛起於二水之間旁有朱陵洞亦謂之朱陵仙府唐人題刻散滿巖上時公自陽山量移江陵府法曹參軍過衡山有此詩鄒君逸其名

江亭枕湘江

江亭一作洪亭

蒸水會其左

孫曰蒸湘二水名蒸水即青草湖樊曰羅

含湘中記有蒸水有耒水皆注湘江瞰臨眇空闊瞰苦綠淨不可唾維昔

經營初邦君實王佐

箋云故相齊映所作樊曰映以貞元三年罷相貶袁州刺史後徙為

衡州翦林遷神祠買地費家貨

費一作匱梁棟宏可愛

宏一作橫結

構麗匪過

韓曰左太冲招隱詩巖穴無結構又杜詩新亭結構罷

伊人去軒騰茲

宇遂頽挫老郎來何暮高唱久乃和

箋云宇文炫又增其制孫曰後漢建

中初廉范為蜀郡太守百姓歌曰廉叔度來何暮不禁火民安堵

樹蘭盈九畹

祝曰廣韻畹田

三十畝又楚辭予既滋蘭之九畹注畹十二畝。畹音宛

栽竹逾萬箇

樊曰前漢貨殖傳竹竿萬

箇箇枚也與个同

長綆汲滄浪

孫曰滄浪清水也綆音梗浪音郎

幽蹊下坎坳

坎坳地不平祝曰前漢歲波濤夜俯聽雲樹朝對卧初

如遺宦情

補注陸士衡云徐翰少無宦情有箕穎之心

終乃最郡課

孫曰治行第一

也。最

祖外切人生誠無幾事往悲豈那

祝曰那奈也宋鮑照採菱歌秋心殊不那

過。那乃

蕭條綿歲時契闊繼庸懦

韓曰詩死生契闊注勤苦也。契音挈懦

乃卧切唐曰懦一作瑣非公詩凡篇中勝事誰復論醜

通押上去聲韻者字必有兩音他倣此

聲日已播中丞黜凶邪天子閔窮餓君侯至之初閭里

自相賀

箋云前刺史元澄無政廉使楊中丞奏黜之朝廷遂用鄒君孫曰楊謂御史中丞湖南觀察使

楊憑也

淹滯樂閒曠勤苦勸慵惰為余掃塵堦命樂醉衆

坐窮秋感平分

韓曰騷云皇天平分四時兮竊獨悲此廩秋

新月憐半破

孫曰

謂月未圓也樊曰公永貞元年九月初道衡之江陵故云耳

願書巖上石勿使塵泥

浣

孫曰泥著物為浣。浣烏卧切

陪杜侍御遊湘西寺獨宿有題獻楊常侍

樊曰寺在潭州楊常侍憑時為潭州刺史湖南觀察使公自陽山北還過潭作一作因獻

楊侍御

長沙千里平

孫曰長沙即潭州在湘江之東西岸小山即道林嶽麓諸寺

勝地猶在

險

孫曰勝奇勝也

況當江濶處斗起勢匪漸

孫曰斗頓也

深林

高玲瓏

集注玲瓏玉聲一曰明貌揚子玲瓏其聲者其質玉乎選珊瑚幽茂而玲瓏。

玲音苓瓏音籠

青山上琬琰

孫曰琬琰青玉也。琰以冉切

路窮臺殿闢佛事煥且儼

孫白煥儼盛也

剖竹走泉源開廊架崖广

孫曰說文广因巖為屋。廊一作廊广音

儼是時秋初殘

初一作之

暑氣尚未斂羣行忘後先困息棄

拘檢客堂喜空涼

空一作風

華榻有清簟澗蔬煮蒿芹水果

剝菱芡

祝曰芡雞頭周禮菱芡桌脯。芡音儉

伊余夙所慕陪賞亦云忝

孫曰謂陪杜侍御

幸逢車馬歸獨宿門不掩

孫曰謂杜歸而已留也

山樓

黑無月漁火燦星點夜風一何喧杉檜屢磨颭

韓曰風動物也

音點又職琰切猶疑在波濤怵惕夢成魘魘於琰切靜思屈原夢一作幾

沈祝曰屈原楚臣楚辭屈原遠憶賈誼貶韓曰賈誼為長沙王太傅

長沙潭州也樊曰公自御史貶陽山至是椒蘭爭妬忌

樊曰屈原離騷經曰余以蘭為可恃兮羌無實而容長椒專佞以慢愒兮椒又欲充夫佩幃王逸注蘭楚懷王

弟司馬子蘭也椒楚大夫子椒也絳灌共讒諂樊曰西漢賈誼傳文帝議以誼任公卿之位絳

灌乃毀誼曰洛陽人年少初學專欲擅權紛亂諸事於是天子以為長沙王太傅顏師古注絳絳侯周勃灌灌

嬰誰令悲生腸令一作念坐使淚盈臉翻飛之羽翼指摘困

瑕玷祝曰玷玉瑕也珥貂藩維重孫曰貂貂蟬冠珥貂也應劭漢官儀曰侍

中冠金蟬有貂貂取其內勁捍而外溫潤祝
曰曹植戴蟬珥貂。珥音耳貂音丁丘切 政化類分

陝周二伯分陝之地即號之上陽祝曰漢弘農陝縣周之

西召公主之補注分陝亦見史記世家韓曰禮賢道何
珥貂分陝謂憑以常侍鎮長沙也。陝音閃

優奉已事苦儉大厦棟方隆韓曰選西都賦大厦
眈眈易大過棟隆吉 巨川

檝行剡孫曰書若濟巨川用汝作舟楫易
繫辭剡木為楫剡削也。剡音琰經營誠少暇

遊宴固已歉也少 旅程愧淹留徂歲嗟荏苒補注陸機
行思賦年

荏苒而 平生每多感柔翰遇頻染孫曰柔翰筆也補
歷茲 注選弱冠弄柔翰展

轉嶺猿鳴曙燈青燄燄祝曰燄燄火初著也書無若火
始燄燄。一作曙光青燄燄或

作
睽

岳陽樓別竇司直

集注竇司直名庠字胄卿韓臯出鎮武昌辟
為幕府陟大理司直權領岳州刺史公自陽
山赴江陵掾道出巴陵岳陽樓作樓在州西
門下瞰洞庭庠五昆弟皆工詞章有聯珠集
庠嘗和公此詩劉禹錫
亦有和篇并附于後

洞庭九州間厥大誰與讓

孫曰言九州之間洞
庭最大無可與讓

南維羣

崖水

孫曰維聚也羣崖水言
瀟湘之類唐本維作匯

北注何奔放

注流

瀦為七

百里

祝曰說文瀦水所停也周禮以瀦
畜水注畜流水之陂也○瀦音猪

吞納各殊狀自

古澄不清

補注後漢郭林宗曰叔度汪汪若千頃陂澄之不清撓之不濁環混無歸向

炎風日搜攪

祝曰攪亂也詩祗攪我心。攪古巧切

幽怪多冗長

祝曰冗長多也

韓曰

選陸機曰故無取於冗長。長音仗

軒然大波起宇宙隘而妨

韓曰妨礙玉篇

云害也。妨音訪

魏義拔嵩華

孫曰言波起高如嵩華。拔一作狀

騰躍較健壯

躍一聲音一何宏轟磕車萬兩

祝曰轟羣車聲磕石聲前漢研磅訇磕訇與轟

同石聲也

孫曰轟磕車聲兩乘也。轟吁宏切磕丘盍切

猶疑帝軒轅張樂就空曠

孫曰莊子黃帝張咸蛟螭露筍簾

祝曰螭無角如龍而黃蛟龍之屬也選或

池之樂於洞庭之野藏蛟螭筍簾以懸鐘磬衡者為筍植者為簾周禮梓人為筍簾。螭音摘筍聳尹切簾其呂切縞練吹

組帳祝曰縞素也鮮色詩縞衣綦巾選鮑昭曰組帳揚春風又詩素絲組之注總以素絲而成孫曰言軒

轅張樂於此大波之起若筍簾組帳猶存也。縞古老切組一作祖鬼神非人世節奏頗

跌踢孫曰跌踢悲壯也祝曰放蕩也又行失正貌說文跌一曰越也踢一曰捨也。跌徒結切踢徒浪切

陽施見誇麗陰閉感悽愴朝回宜春口唐曰宜春郡袁州極地

缺堤障祝曰障界也隔也管子築障塞。障之亮切地一作北夜纜巴陵洲唐曰巴陵

郡岳州纜維舟也。纜音濫叢芮纜可傍孫曰叢芮岸上藂茅可維舟處。芮而銳切傍蒲浪

切星河盡涵泳孫曰星河謂星與河漢俯仰迷下上餘瀾怒不已

喧聒鳴甕盎盎盆也明登岳陽樓輝煥朝日亮飛廉戢其

威

樊曰離騷經後飛廉使奔屬王逸注風伯也戢斂也

清晏息纖縠

韓曰書厥篚

綿也。音曠。

泓澄湛凝綠

祝曰泓澄水深清貌。泓烏宏切。

物影巧相況江

豚時出戲驚波忽蕩漾時當冬之孟

孫曰公永貞元年十月至岳州。一

作孟隙竅縮寒漲前臨指近岸側坐眇難望滌濯神魂

醒幽懷舒以暢主人童孩舊

補注主人竇庠童孩一作孩童握手乍忻

悵

孫曰悲喜兼也

憐我竄逐歸相見得無恙

補注風俗通曰恙毒蟲也喜傷人古

人草居露宿故相勞問必曰無恙李陵曰霍與上

開筵

交履烏

韓曰史滑稽傳履交錯孟盤狼籍

爛漫倒家釀

韓曰世說劉恢曰見何次道飲

令人欲傾家釀釀醞也。釀音讓

孟行無停留

韓曰選王仲宣公譙詩合坐同所樂但想孟行

遲高柱送清唱

補注高柱琴柱按古今琴錄曰凡歌曲終皆有送聲

中盤進橙栗

祝曰橙袖屬選燁以秋橙除庚切

投擲傾脯醬歡窮悲心生婉嬾不能

忘

韓曰詩婉兮嬾兮婉少貌嬾好貌

念昔始讀書志欲干霸王

祝曰易包義氏

王天下屠龍破千金

孫曰莊子朱仝漫學屠龍於支離益彈千金之家三年技成而無所

巧用其為藝亦云亢

孫曰藝術藝亢高也

愛才不擇行

孫曰謂不觸

事得讒謗前年出官日

孫曰出官謂謫官也

此禍最無妄

補注易曰無妄

之公卿採虛名擢拜識天仗

孫曰天仗天子仗衛也

姦猜畏彈射

孫曰公時為御史。射食亦切猜一作猾。斥逐恣欺誑。唐曰謂為王叔文之黨所排逐。新恩

趨府庭。孫曰謂自陽山令量移江陵法曹參軍。逼側廁諸將。補注上林賦曰逼側泌節。

注云相迫也。又潘岳曰駢闐逼側廁間也。于嗟苦驚緩但懼失宜當追思南

渡時魚腹甘所葬。韓曰史記屈原曰寧赴常流而葬乎江魚腹中。嚴程迫風帆

祝曰帆舟上汎風幔釋名隨風張幔曰帆。帆符咸切。劈箭入高浪。祝曰說文劈破也。魏志羽

便伸臂令醫劈之。劈音僻。顛沈在須臾忠鯁誰復諒

又博麥切。孫曰字合作擘。生還真可喜刻已自懲創

祝曰書予創若時注創懲其骨鯁之所立。鯁音梗。庶從今日後粗識得與喪事也。也。創楚亮切。刻或作尅。

多改前好趣有獲新尚

趣音娶

誓耕十畝田

韓曰莊子顏回曰回有郭

內之田十畝足以為絲麻不願仕

不取萬乘相細君知蠶織稚子已能

餉

孫曰東方朔曰歸遺細君說者云細君朔妻之名又云細小也朔自比於諸侯謂其妻曰小君韓曰孫芸

銘石菴稚子拾薪老夫汲澗細君緝紵

行當掛其冠

韓曰後漢龐萌解生冠掛東都門而去

死君一訪

和韓十八侍御登岳陽樓

竇庠

巨浸連空濶危樓在杳冥稍分巴子國欲近老人星
昏旦呈新候川原按舊經地圖封七澤天限鎖重扃

萬象皆歸掌三光豈遁形月車才碾浪日御已翻溟

忙丁切

落照金成柱餘霜翠擁屏夜光疑漢曲寒韻辨

湘靈山晚雲常碧湖春草遍青軒皇曾舉樂范蠡幾
揚舲有客初留鷁貪程尚數莫自當徐孺榻不是謝
公庭雅論冰生水雄材刃發硎座中瓊玉潤名下莖
蘭馨假守誠知拙齋心匪暫寧每慚公府粟却憶故
山苓苦調常三歎知音願一聽自悲由也瑟敢墜孔
悝銘野杏初成雪松醪正滿瓶莫辭今日醉長恨古

人醒

韓十八侍御見示岳陽樓別竇司直詩因令屬
和重以自述故足成六十二韻

劉禹錫

楚望何蒼然曾瀾七百里孤城寄遠目一寫窮無已
蕩漾浮天蓋回環宣地理積漲在三秋混成非一水
冬遊見清淺春望多洲沚雲錦遠沙明風烟青草靡
火星忽南見月魄方東迤雪波西山來隱若長城起

獨專朝宗路駛悍不可止支川讓其威蓄縮空南委

熊武走蠻落

孫曰熊武二溪名

瀟湘來與鄙炎蒸動泉源積

潦搜山趾歸往無旦夕包含通遠邇行當白露時眇

視秋光裏曙色未昭晰露華遙斐疊浩爾神骨清如

觀混元始北風忽震蕩驚浪迷津涘怒激鼓鏗旬感

成山巋峴鯢鵬疑變化罔象何恢詭嘘吸寫樓臺騰

驤露鬣尾景移羣動息波靜繁音弭明月出中央青

天絕纖滓素光淡無際綠靜平如砥空影渡鷁鴻秋

聲思蘆葦鮫人弄機杼貝闕駢紅紫珠蛤吐玲瓏文

鯨翔旖旎水鄉吳蜀限地勢東南痺翼軫粲垂精衡

巫屹環峙名雄七澤數國辨三苗氏唐羿斷脩蛇荆

王憚青兕憚丁達切秦狩跡猶在虞巡路從此軒后奏宮

商騷人詠蘭芷茅嶺潛相應橘洲傍可指郭璞驗幽

經羅含著前紀觀津戚里族按道侯家子聯袂登高

樓臨軒笑相視假守亦高卧孫曰寶時權領郡事墨曹正垂耳

孫曰韓亦量移江陵法曹司法契濶話涼溫壺觴慰

參軍或謂之法曹或謂之墨曹

遷徙地偏山水秀客重盃盤侈紅袖花欲然銀燈晝
相似興酣更抵掌樂極同啓齒筆鋒不能休藻思一
何綺伊余負微尚夙昔慙知己出入金馬門交結青
雲士襲芳踐蘭室學古遊槐市策慕宋前軍文師漢
中壘陋容昧俯仰孤志無依倚衛足不如葵漏川空
歎蟻幸逢萬物泰獨處窮途否鍛翮重疊傷兢魂再
三褫遽瑗亦屢化左丘猶有恥桃源訪仙宮薜服祠
山鬼故人南臺舊

樊曰公為御史
時與禹錫同官一別如絃矢今朝

會荆蠻

樊曰時禹錫出為連州途至荆南改武陵司馬和韻於荆

斗酒相宴喜為

余出新什笑拊隨伸紙曄若觀五色歡然臻四美委

曲風濤事分明窮通旨洪韻發華鍾淒音激清徵羊

濬要共和

要平聲

江淹多雜擬徒欲仰高山焉能追逸

軌湘州路四達巴陵城百雉何必顏光祿畱詩張內

史

送文暢師北遊

樊曰公嘗有送文暢師序此詩亦多師序意少小學城闕則序所謂喜為文章也戒轄思

遠發則序所謂周遊天下也薦紳秉筆徒聲
譽輝前闕從來送行詩屢造恐顛蹶則序所
謂凡有行必請於縉紳先生以求詠歌其所
志也今成十餘卷浩汗羅斧鉞則序所謂得
所序詩累
百餘篇也

昔在四門館

孫曰後魏太和中立學于四門因以為晨
名隋始隸國子公時為四門國子博士

有僧來謁

補注聞見錄云歐陽公於詩主退之不主子
美劉仲原父每不然之公曰子美老夫清晨

梳白頭玄都道士來相訪有俗氣退之決不道也仲原
父曰亦退之昔在四門館晨有僧來謁之句之類耳公

賞其
辯

自言本吳人少小學城闕

孫曰詩挑兮達兮在城
闕兮城闕謂城郭也

已窮佛根源粗識事輓輓

祝曰語大車無輓小車無輓
注輓者輓端橫木以縛輓輓

者轅端上曲鈎銜。
 軋五雞切軋魚骨切。
 攣拘屈吾身。
 越轅拘之語潘安仁。
 韓曰漢鄒陽上書能

西征賦陋吾人之拘攣祝曰左氏巾車脂戒轄思遠發轄孫曰詩載脂載

輶輶車軸頭鐵蓋車
輶也。輶胡瞎切。
薦紳秉筆徒。
薦紳即聲譽輝前閥。

祝曰閼閼家世也後漢聲一作從行從來送行詩送吾詩屢造

忍顛蹶孫曰顛沛謂仆蹶失足也。蹶音厥。今成十餘卷浩汗羅斧鉞初

說文鉞大斧也左氏先生悶窮巷韓曰公未得窺剗
負之斧鉞鉞音曰

剗剗曲刀也淮南子曰鑊之以剗剗祝曰刻鑊刀也淮南子剗剗無跡人巧之妙楚辭握剗剗而不用孫曰揚

雄甘泉賦般倕其剗剗。又聞識大道何路補剗剗。

五百家注昌黎文集 三十三

祝曰剗墨刑也別斷足也書爰始淫為劓劓極黥韓曰莊子庸詎知造物者不息我剗而補我劓公詩意謂文

暢既祝髮為僧欲補其剗則而反之初可得乎剗與黥同並音渠京切一作庵音幾

出其囊中文

滿聽實清越

孫曰記君子比德於玉叩其聲清越以長樂也

謂僧當少安草

序頗排訐

孫曰公送文暢序在集中計謂斥人以言

上論古之初所以施賞

罰下開迷惑宵摩豁斲株檠

孫曰西京賦曉眾摩豁祝曰開達貌潘岳登虎牢山

賦幽谷豁以摩寥株檠木根韓曰列子吾處若檠株拘注檠株拘斷木也補注言序所以排訐釋氏而告以聖

人之道者如以刃而斲株檠也僧時不聽瑩樊曰莊子

是黃帝之

所聽瑩也疏聽瑩疑惑貌不聽瑩則無所疑矣此所以若飲水救渴也

若飲水救渴風塵

一出門時日多如髮三年竄荒嶺守縣坐深樾

韓曰此言其出

為陽山令祝曰楚謂兩木交陰之下曰樾淮南子武王蔭暍人于樾下。樾音越

徵租聚異物

詭制恒巾鞢

詭怪也。制一作製

幽窮共誰語

共一作與

思想甚含噦

噦逆氣祝曰禮記不敢噦噫噎咳。噦於月切

昨夜得京官

孫曰元和元年六月自江陵召還為

國子博士照壁喜見蜎蜎蜎人毒蟲也韓曰酉陽雜俎江南

江今江南往往有之俗呼為主簿蟲祝曰杜詩每愁夜中自足蠋樊曰蘇內翰聞驪駒試筆文謫居黃州五年

今日離泗州北行岸上驪駒聲空籠意亦欣然蓋不聞此聲久矣退之照壁喜見蜎蜎不虛語也又嶺南歸云亡

脫問鵬之變行有見蜎之

況逢舊相識

一作識

無不比鷦

蜃

祝曰南方有比翼鳥不比不飛其名謂之鵲鵲西方

有難叩叩岨虛負而走其名為蜃樊曰公竄逐新歸見

蜃猶喜況相識乎無不比之鵲蜃矣。鵲音兼蜃音厥

長安多門戶弔慶少休歇而能勤來過重惠安可揭

揭舉也

又禁竭二音

當今聖政初

韓曰謂憲宗初即位也

恩澤寬戒

戒

戒飛走貌孫曰禮記鳳以為畜故鳥不獮胡為不自

暇飄戾逐鷺鷥

樊曰鷺鷥屬鷺似鷺尾上白善捕鼠祝

鷺音厥

僕射領北門

孫曰謂田季安為魏博節度使

威德壓胡

胡音許

相公鎮幽都

孫曰謂劉濟為幽州節度使補注此

竹帛

爛勲伐酒腸舞閨妹妹美色祝曰詩彼妹獵騎圍邊月

孫曰史記匈奴舉事候星月月盛壯則攻戰月開張篋

虧則退兵韓曰李恢秋月詞云邊月破鏡飛開張篋

中寶孫曰謂自得津筏孫曰津水際筏以渡水祝曰

言附謂之簿簿謂之筏吳從茲富裘馬韓曰語乘肥寧

志束縛作大筏筏音伐復茹藜蕨余期報恩後謝病老耕堡孫曰耕起土謂之

同國語王庇身指蓬茅逞志縱獫狢祝曰獫狢田犬也

耕一獫狢獫狢獨詩曰載獫狢獨獫狢僧還相訪來孫曰河山藥煮可

掘獫虛檢切獨許竭切北歸時

卷二
答張徹

韓曰公為國子博士時作張徹公門下士又公之從子壻詳見醉贈張秘書注補注筆墨閒錄曰劉侗云答張徹一詩尤奇麗

辱贈不知報我歌爾其聆

也聆聽

首敘始識面

韓曰北史齊神武自

太原來朝見宋遊曰嘗聞其名今日始識其面

次言後分形

韓曰曹子建求自試表誠與國分形

同氣憂患共之也借用以言離別

道途綿萬里日月垂十齡

樊曰謂自貞元十二

年丙子至是元和改元丙戌十年也

浚郊避兵亂

孫曰貞元十五年二睢

岸連門停

孫曰是歲公至彭城節度使張建封居之於睢水上時徹亦來徐與公連居

肝膽

一古劔波濤兩浮萍

韓曰劉伶曰俯觀萬物擾擾焉如江河之載浮萍

漬墨竄

舊史

韓曰張平子西京賦雅好博古學乎舊史氏選諸白馬賦訪國美于舊史考方載于往牒補注左傳

仲尼因魯史策書成文其餘皆即用舊史漬染也

磨丹注前經義苑手秘寶

孫曰

手持

文堂耳驚霆暄晨躡露烏暑夕眠風櫺

祝曰櫺窓櫺郭璞遊

仙詩回風流曲櫺音靈

結友子讓抗請師我慙丁

孫曰言不敢當師之名蔡

曰左氏襄十四年尹公佗學射於庾公差庾公差學射於公孫丁二子追公公孫丁御尹公佗曰子為師我則

遠初味猶噉蔗

祝曰晉史顧愷之啖蔗自尾至本云漸入佳境噉徒敢切與啖同

遂通

斯建瓴

韓曰漢高紀云譬猶居高屋之上而建瓴水也補注漢紀注云瓴盛水瓶也居高屋之上建瓴

水言其易也。○建紀偃切。搜奇日有富嗜善心無寧石梁平健健。祝

石絕水曰梁梁所以節水說文健健長貌韓曰說文楚人謂橋為圮凡橋有木梁有石梁健健直也。○健音挺。

又音聽。沙水光泠泠乘枯摘野艷沈細抽潛腥遊寺去陟。

巘。韓曰巘山形如甑詩陟則在尋徑返穿汀。徑一作幽。緣雲。

竹竦竦。孫曰竦竦高貌。失路麻真真。孫曰真真多貌。淫潦忽翻野。祝曰。

水禮記以備水。潦。潦音老。平蕪眇開溟防泄塹夜塞。塹七懼衝城。

畫局。孫曰自肝膽一古劔以下至此皆言十五年睢岸連居與徹相從之樂。及去事戎轡。

孫曰公先居睢水久之。相逢宴軍伶。孫曰伶樂官也。觥秋縱兀。

建封以為節度推官。

兀兀獵宴馳馬同祝曰詩駟駟壯馬駟駟馬腹幹從

賦始分手

孫曰謂徹赴舉試也漢書以臣錯充賦充賦者如賦調云朝京忽同舫

是年冬公以徐州從事朝正于京師又與徹同時行祝曰楚辭乘舫船余上沅注舫船船有窓牖。舫音零

急時促暗棹戀月留虛亭畢事驅傳馬

孫曰謂十六年春公朝正事畢

歸彭城也傳若今之驛。傳除戀切畢字作異者誤

安居守窓螢

孫曰謂徹留京師也韓曰車武

子貧聚

梅花灞水別

韓曰公歸徹留故有此句

宮燭驪山醒

韓曰杜詩軍吏

回宮燭驪山在昭應。驪音力馳切補注筆墨閒錄曰劉侗云此對極有風味

省選逮投足卿

賓尚摧翎

樊曰謂徹下第也徹後元和四年始登第

塵祛又一摻

祝曰詩摻執子之祛

今孫曰摻摻祛袂執袂而別也。摻所減切。

淚皆還雙熒

祝曰昔日際也列子拂皆揚眉而望

之孫曰自畢事驅傳馬至此皆言十六年朝正畢及與微相別時事。皆音漬又在計切。

洛邑得休

告華山窮絕陁

韓曰爾雅山絕陁注連山中斷絕。陁音形。

倚巖睨海浪

視

也音引袖拂天星日駕此迴轄

胡瞎切

金神所司刑

孫曰華山

西嶽其神少昊為金神西方主刑也。

泉紳拖脩白

孫曰泉流如紳帶韓曰語加朝服拖紳拖當從

側石劒攢高青

攢音

磴蘚澹拳跼

祝曰磴巖磴選石磴

澹滑也拳跼蘚滑之貌韓曰楚詞拳跼跼音局

梯颺颺伶俦祝

顧而不行。磴都鄧切。澹音閏。跼音局。梯颺颺伶俦。祝曰。祝。扶搖風也。韓曰。楚詞。忽颺騰兮浮雲補注。伶俦。行不正。選少伶俦而偏孤。又選古。猛行云。少年惶且怖。伶俦。

到他鄉。○鼪卑遙切。悔狂已咋指。祝曰咋嚙也。大聲也。

伶音零。傳普丁切。○咋音責。垂誠仍鑄銘。樊曰公嘗過華山登絕頂發

狂。○一作往。○似牛而少角。古者決訟令觸不直。今曰峨豸。

豸忝備列。祝曰前漢陂池獬豸與鷹同說文獬豸獸

以御史元用之故耳。孫曰法冠一名柱後惠文冠或謂

獬豸冠凡執法官皆服之異物志北荒中有獸名獬豸

性別曲直見人鬪觸不直者聞人爭咋不正者楚王嘗

獲此獸因象其形以製衣冠十九年公為御史故云我

豸也。我高也。伏蒲愧分涇。孫曰漢元帝寢疾數問尚書

○豸宅買切。丹候上獨寢時直入卧內伏青蒲上泣涕諫帝帝

由是不廢太子。孫曰分涇分別涇渭以明清濁也。微誠

慕橫草

孫曰終軍云軍無橫草之瑣力摧撞廷。瑣小也

樊曰說苑子路對趙襄子曰建天下之鐘而撞之以建
豈能發其聲乎哉孫曰東方朔傳以管窺天以蠡測海
以莛撞鐘
○莛音廷
疊雪走商嶺飛波航洞庭下險疑墮井守官

類拘囹圄荒餐茹獠蠱

祝曰獠夷別名後漢大詔獠者孫
曰獠南夷蠱蟲毒自我豸備列

已下皆言貞元十九年冬自監察
御史言事貶陽山時也○獠音老
幽夢感湘靈

孫曰楚
辭使湘

靈鼓瑟兮令海若舞
馮夷湘靈湘水之神刺史肅著蔡

韓曰三國名臣贊思
同著蔡運用無方蔡

龜也家語臧文仲有守龜焉名曰蔡孫曰
著蔡著龜也言刺史為人所信如著蔡也
吏人沸蝗螟

孫曰螟亦蝗也詩去其螟
螣食葉曰螟沸言其多也
點綴簿上字趨蹌閣前鈴

韓曰

東漢周紆傳又問鈴下注漢官儀曰鈴下待閣辟車此
皆以名自定者也補注羊祐出鎮南夏鈴閣之下侍衛

不過十數人鈴音苓賴其飽山水得以娛瞻聽紫樹雜斐疊祝

斐疊文色貌選彤雲斐疊以翼標。疊音尾碧流滴瓏玲唐曰古本揚子法言云瓏瑤其聲者

其質玉乎。瓏音龍玲音靈映波鋪遠錦孫曰言林木映水如鋪遠錦插地列長

屏孫曰言四面峯愁狖酸骨死祝曰狖獸形似猿。怪狖餘救切死一作怨

花醉魂馨潛苞絳實折幽乳翠毛零乳一作孔赦行五百里

樊曰二十一年正月順宗即位二月變三十孫曰帝王世紀

日堯時有草夾階而生每月朔日生一莢至望日則落一莢月小則餘一莢月變三十冀言及一月也。冀音

冥漸階羣振鷺樊曰詩振鷺于飛有駉振振鷺並興潔白之士羣集于朝入學誨螟

蛉韓曰揚子螟蛉之子殪而逢螺贏祝之曰類我類我

久則肖之矣螟蛉桑上青蟲螺贏細腰蜂也孫曰元

和元年六月公自江陵法曹召

荦甘謝鳴鹿韓曰詩呦

為國子博士故云。蛉音苓

荦甘謝鳴鹿韓曰詩呦

野之萃鹿得萃則鳴

疊滿慙聲鉗孫曰詩鉗之聲矣維

相呼詩意謂朋友也

疊滿慙聲鉗孫曰詩鉗之聲矣維

大而盈疊恥者刺不能

同同抱瑚璉祝曰同同窓牖開

使富分貧衆卹寡也

同同抱瑚璉祝曰同同窓牖開

明韓曰語曰何器也曰瑚璉也孫曰

飛飛聯翬令詩鵲

鵲在原兄弟急難爾雅鵲鵲雖渠鵲屬也飛則鳴行則

搖樊曰鵲鵲詩以況兄弟張徹弟復亦舉進士故云。

鵲資昔切鵲

魚鬣欲脫背祝曰鬣鬣鬣山海經鯢魚赤

音郎丁切

目赤鬣孫曰欲脫背言將化

為龍也。

虬精光照硯祝曰莊子刀刀若新發硯硯砥

鬣音獵

石也。虬音求洪曰精光本作

精先又一
本作光先

豈獨出醜類方當動朝廷勤來得晤語勿憚

宿寒廳

薦士

為孟郊東野作凡四十韻唐曰據舊史稱李
翱分司洛中薦郊于留守鄭餘慶又據翱答
公書云還示云於賢者汲汲惟公與不材耳
又云如兄者頗亦好賢云云則孜孜汲汲無
所愛惜公此詩云善善不汲汲後時徒悔懊
蓋迷與翱書語實助翱薦郊者也韓曰東野
貞元十一年進士為漂陽尉時鄭餘慶尹河
南公作是詩薦之鄭辟郊為水陸運從事此
詩作於郊為尉後辟從事前歟觀公銘郊墓
謂鄭公尹河南既辟從事後以節鎮興元復

奏為參謀皆此一詩之薦故也

周詩三百篇

韓曰語詩三百

麗雅理訓誥

孫曰麗美也雅正也理猶比也

曾經

聖人手

孫曰古詩三千餘篇孔子刪取三百故云經

聖人手

議論安敢到五言出

漢時蘇李首更號

韓曰謂蘇武李陵選李陵與蘇武詩注云五言詩自陵始也

東都

漸瀾漫

孫曰光武都洛故號東都祝曰瀾漫水大貌選混養瀾漫。瀾音彌漫謨官切

派別百

川導

孫曰派水分流也韓曰吳都賦百川導謂風雅之體如百川之分也

建安能者七

孫曰建安漢獻帝年號典論曰今之文人魯國孔融廣陵陳琳山陽王粲北海徐幹

陳留阮瑀汝南王粲所假七子皆建安時人

卓犖變風

操

孫曰卓犖高奇貌風謂風雅操琴操之類亦詩也。犖呂角切

逶迤抵晉宋

逶迤低回之象

氣象日凋耗

凋耗衰也

中間數鮑謝

樊曰鮑照謝靈運鮑照謝眺也照字明

遠眺字玄暉或曰謝通稱二謝猶李觀評郊詩云平處下顧二謝也

比近最清奧

孫曰比近此興

也奧深也齊梁及陳隋衆作等蟬噪搜春摘花卉

祝曰卉百草總名○

沿襲傷剽盜

孫曰沿襲謂循襲也剽強取也○剽匹妙切

國朝盛文章子昂

始高蹈

孫曰陳子昂梓州射洪人唐高宗時有文章盛名高蹈高舉也補注筆墨閒錄曰薦士詩與送

東野序盛言子昂李杜餘皆不勃興得李杜白孫曰謂李

在其列唐詩由于昂始唱之也

勃興得李杜

白杜甫勃

然而

萬類困凌暴

孫曰萬物皆為李杜凌轢云爾

後來相繼生亦各臻

閫隩

孫曰閫門限隩內也爾雅西南隅謂之隩

有窮者孟郊

樊曰東野窺禹穴東野動驚俗

公平日

以朋友處之字而不名獨此詩曰有

受材實雄

窮者孟郊

蓋薦之於王公大人不得不名也

受材實雄

驚

音傲

冥觀洞古今象外逐幽好橫空盤硬語

橫空一作

縱妥帖力排羣

孫曰論語羣盪舟寒泥殺有窮后羿因其室而生羣羣多力能陸地行舟為少

康所殺補注臨川云吟詩各有所得清水出芙蓉天然

去雕飾此李白所得也或看翡翠蘭苔上未掣鯨鯢碧

海中此杜甫所得也橫空盤硬語妥帖敷柔肆紆餘祝

力排羣此韓愈所得也○羣魚到切敷柔肆紆餘祝

紆餘屈曲貌古詩曰山澤奮猛卷海潦榮華肖天秀

紆餘孫曰紆餘妍好也奮猛卷海潦榮華肖天秀

也捷急愈響報捷一行身踐規矩甘辱恥媚竈

孫曰語與其媚

於與寧媚於竈注與內也以喻近臣竈以喻執政

孟軻分邪正眸子看瞭眊韓

孟子胷中正則眸子瞭焉胷中不正則眸子眊焉目精明為瞭。瞭音了目少睛為眊眊音冒

杳然粹

而精

一作清

可以鎮浮躁酸寒溧陽尉

祝曰溧陽宣州孫曰昇州縣名貞元

十二年呂渭知貢舉郊年四十有六中進士第間四年調溧陽尉。溧音栗

五十幾何耄

孫

禮記八十九曰耄耄昏忘也

孜孜營甘旨

韓曰禮記內則昧爽而朝慈以旨甘日入而夕慈以

旨辛苦久所冒俗流知者誰指注競嘲傲

吾告切亦聖作傲慢也

皇索遺逸髦士日登造

孫曰詩蒸我髦士髦士俊士也造作也登造登用也

廟堂

有賢相

謂鄭餘慶

愛遇均覆燾

洪曰公有與餘慶書云再奉示問皆緣孟家事郊死於元

和九年時餘慶為興元尹常莊云東野佐徐州幕卒使
下廷評以墓誌考之餘慶在興元奏郊為參謀未至而
卒莊說非也。覆况承歸與張韓曰謂郊嘗為歸二公
方又切煮亦覆也登張建封所知

迭嗟悼青真送吹噓強箭射魯縞韓曰此又言郊為歸
張所知當吹噓送之

青真如強箭之穿魯縞矣前漢韓安國傳強弩之末力
不能穿魯縞孫曰縞素也曲阜之地俗善作之尤為輕

細故曰魯縞縞音杲胡為久無成使以歸期告樊曰貞元十九
年建封死久矣

公猶且云爾者蓋言東野素為建霜風破佳菊嘉節迫
封所知胡為久無成以歸期告也

吹帽樊曰晉孟嘉在征西將軍幕中九日宴龍山風吹嘉帽落念將決焉去感物增

戀集注嫪嫪恠物也聲類云嫪嫪戀惜也說文云固也。嫪廬到切彼微水中荇尚煩

左右芼

祝曰詩參差荇菜左右芼之芼擇也。芼音冒。

魯侯國至小廟鼎猶納

郛

祝曰春秋桓二年取郛大鼎于宋。郛音告。

幸當擇珣玉

孫曰珣石

之次

寧有棄珣瑁

祝曰書乃受同瑁孫曰周禮天子執瑁四寸以朝諸侯瑁天子圭也。瑁

音悠悠我之思擾擾風中蠹

祝曰蠹以麓牛尾為之大如斗繫於左馱馬輓上選

黃屋左纛補注楚王曰寡人之心搖搖然如懸旌詩意取此。蠹音道。

上言愧無路日夜

惟心禱

祝曰文字音義求福曰禱。禱音倒。

鶴翎不天生變化在啄菹

韓

鳥伏卵謂之菹。菹薄報切。

通波非難圖尺地易可漕

祝曰漕水運也。選通溝人

漕。漕在到切。

善善不汲汲

孫曰春秋傳曰善善及子孫善善謂稱進善人也。

後時徒

悔懊

祝曰懊恨也。晉史門生驚懊者累日。懊於倒切。

救死具八珍

韓曰周禮膳夫珍用

八物又食醫掌八珍之齊。孫曰禮記內則八珍謂淳熬淳母炮豚若牂膾珍漬熬肝膋也。

不如一簞羹

孫曰語一簞食。簞竹器補注楚與晉戰或人進王一微

簞酒王傾酒於水上與士共飲。簞音單不一作無。

詩公勿誚

一作笑

愷悌神所勞

祝曰詩愷悌君子神所勞矣。勞慰勞也。勞郎到切。

喜侯喜至贈張籍張徹

韓曰公初謫陽山。令元和改元六月自江陵掾名為國子博士。其從遊如喜如籍如徹皆

會于都下詩以是作

我昔在南時

孫曰謂責陽山時也。

數君長在念。搖搖不可止。諷詠

日噉噉

孫曰噉噉魚口動貌韓曰選張衡曰噉音顯噉音驗

如以膏濯衣

每漬垢逾染

而艷切

又如心中疾箴石非所砭

韓曰說文砭以石刺

病祝曰素問其治宜砭石。砭彼驗切

常思得遊處

尺與切

至死無倦厭

一無

作地遐物奇怪水鏡涵石劒

孫曰水鏡一名域陸機疏云一名射影江淮水皆有

之人在岸上影見水中投人影則殺之

荒花窮漫亂幽獸工騰閃

祝曰說文閃窺

頭門中也礙目不忍窺忽忽坐昏墊

祝曰書下民昏墊注昏替墊溺。墊

都念切逢神多所祝豈忘靈即驗依依夢歸路歷歷想行

店今者誠自幸所懷無一欠孟生去雖索

孫曰孟生郊索離也樊曰

東野其年十一月從河南尹鄭餘侯氏來還歎詰念切

眠聽新詩

眠一作枕

屋角月艷艷韓曰杜詩紅稠屋角花

新作承間騁

新一作雜交驚舌互譖

樊曰說文譖吐舌貌。譖他念切交一作文

繽紛指瑕疵

拒捍阻城塹以余經摧挫固請發鉛槧

韓曰王充論衡斷木為槧西京

雜記揚子雲好事常懷鉛提槧從諸計吏訪殊方絕域之語鉛墨槧牘也。槧七艷切

居然妄推

讓見謂藝天縱比疎語徒妍悚息不敢占呼奴具盤飧

飮餽魚菜贍

飮餽貯食。飮丁定切餽音豆

人生但如此朱紫安足僭

古風

樊曰自安史亂後方鎮相望于內地大者連州十餘小者不下三四兵驕則逐帥帥強則叛上不廷不貢往往而是故託古風以寓意韓曰觀詩意當在德宗之世與烽火相為表裏

云裏

今日曷不樂幸時不用兵無曰既感矣

威迫感也。威子六切諸本曰

作日非是乃尚可以生彼州之賦去汝不顧此州之役去我

奚適

孫曰言政煩賦重捨之而去無可之適謂所在皆同也一本作我去奚適

一邑之水可

走而違天下湯湯曷其而歸

孫曰湯湯大水貌書湯湯洪水方割一邑之水尚可

以避今天下湯湯可復避乎

好我衣服甘我飲食無念百年聊樂一

日

駑驥

唐本云贈歐陽詹孫曰詹字行周泉州晉江人貞元八年與公同中進士第樊曰公貞元十五年冬以徐州從事朝正于京詹時為國子監四門助教將率其徒伏闕下舉公為博士此詩殆斯時所作歟詹集有答韓十八駑驥吟今附篇末

駑馬誠齷齪

祝曰齷齪急促貌選小人自齷齪。駑音臺齷音渥齷音濁

市者何其

稠力小苦易制價微良易醺

良一作誠

渴飲一斗水飢食一

束芻嘶鳴當大路志氣若有餘駑驥生絕域自矜無匹

儔牽驅入市門

韓曰史記貨殖傳刺繡文不如倚市門

行者不為留借問

價幾何黃金比嵩丘

韓曰老杜驄馬行未覺千金滿高價

借問行幾何咫尺

尺視九州飢食玉山禾

孫曰玉山山名周穆王訪西王母所經行之處

渴飲醴

泉流問誰能為御

一作借問誰能御

曠世不可求惟昔穆天子

乘之極遐遊

孫曰史記穆王得盜驪赤兔驂騶騶耳之駟西巡狩至崑崙山見西王母樂而忘歸

王良執其轡

韓曰王良古之善御者事見孟子孫曰良趙簡子時善御者左氏號郵無郵

造

父夾其輶

孫曰史記造父以善御幸於周穆王穆王封之趙城輶車轅也○輶張流切

因言

天外事

韓曰穆王時西極有化人來王敬事之遂肆意遠遊駕八駿之乘主車則造父為御宿于崑崙

之阿赤水之陽別日升崑崙之上以觀黃帝之宮遂賓
于西王母孫曰天外事即謂崑崙池之事非中國所見
也者怳惚使人愁祝曰揚子神心惚怳注惚怳乎無端。怳許往切惚吁骨切怳一作荒一作茫

駑駘謂騏驥餓死余爾羞有能必見用有德必見收孰

云時與命通塞皆自由騏驥不敢言低徊但垂頭人皆

劣騏驥共以駑駘優喟余獨興歎才命不同謀寄詩同

心子

孫曰同心之人謂詹也

為我商聲謳

補注記曰愛者宜歌商。一作高聲非

答韓十八駑驥吟

歐陽詹

故人舒其憤作爾駑驥篇駑取易售陳驥以難知言

委曲感既深咨嗟詞亦殷伊情有遠瀾余志遊其源
室有周孔堂道適堯舜門調雅聲寡同途遐勢難翻
顧茲萬恨來假彼二物云賤貴而貴賤世人良其然
芭蕉一葉妖莨莨一花妍異無材實資手植堦墀前
梗枿十圍瑰松栢百尺堅罔念棟梁功野長丘墟邊
傷哉昌黎韓焉得不迺遭上帝本厚生大君方建元
實將庇羣眊庶此規崇軒班爾圖永安

孫曰公孫班
王爾古良匠

名掄擇其精專君看廣厦中豈有庭前萱

馬厭穀

樊曰劉向新序燕相得罪將出召門下諸大夫曰有能從我出者乎大夫有進者曰凶年饑歲士糟粕不厭而君之犬馬有餘穀粟隆冬烈寒士短褐不全而君之臺觀幃簾錦繡飄飄而弊財者君之所輕而求得士之所重不能施君之所輕而求得士之所重不亦難乎燕相慙公名篇意出此韓曰此詩及其下出門皆未得志之辭其三上光範書時作乎

馬厭穀分士不厭糠

乾韓曰厭飽也鹿屑為乾春粟不潰也杜詩黎民糠乾窄孫曰史

記陳平食糠覈晉灼云京師謂鹿屑為乾頭字與乾同。乾胡骨切又音顛

土被文繡兮孫

漢賈誼傳民牆屋被文繡云云士無短褐

短一作短洪曰按列子云衣則短褐食則菜糲音義引方

言短複襦許氏注淮南子云楚人謂袍為短說文云粗衣又敝布襦也又襜褕短者謂之短褕荀子作豎褐注云童豎之褐漢書云短褐不完注云短童豎所著布長襦也褐毛布之衣也杜子美云賜浴皆長纓與宴非短褐短褐風霜入還丹日月遲皆作長短之短蓋襜褕短者謂之短褕則短義亦通抑古書自有作短褐者予未之見耶○彼其得志兮不我虞一朝失志兮其何如已短常恕切

焉哉嗟嗟乎鄙夫

出門

樊曰公年十九舉進士京師二十五登第春官二十九始佐津幕此詩在京師未得志之所為故其辭如此

長安百萬家出門無所之
豈敢尚幽獨與世實參差
古人雖已死書上有遺辭
遺或作其開卷讀且想千載若相期
出門各有道我道方未夷
且於此中息天命不吾欺
一命

誠作

嗟哉董生行

孫曰董召南壽州安豐人韓曰公嘗有送董
生遊河北序且曰董生舉進士連不忘于有
司而此詩敘其孝且慈如此樊曰蘇翰林嘗
作蘇州姚氏三瑞堂詩云君不見董召南隱
居行義孝且慈天公亦恐無人知故令鷄狗
相哺兒又令韓老為作詩爾來三百年名與

淮水肥
云云

淮水出桐栢

韓曰禹貢導淮自桐栢孫曰桐栢山名今在唐州界淮水所出

山東馳遙

遙千里不能休

韓曰謂東會于泗沂東入于海也

淝水出其側

孫曰淝水在廬

江祝曰晉史列陣臨淝水。淝音肥

不能千里

句絕洪曰不能千里者以興董生居下其可以施於

人者不遐也

百里入淮流

樊曰按水經淝水出九江北入于淮故云

壽州屬縣有

安豐唐貞元年時

一無年字

縣人董生名南隱居行義於其

中

孫曰論語隱居以求其志行義以達其道

刺史不能薦天子不聞名聲

絕句

爵祿不及門門外惟有吏日來徵租更索錢

孫曰徵亦索也更謂

更役也 嗟哉董生朝出耕夜歸讀古人書盡日不得息或

山而樵或水而漁入厨供甘旨

甘旨見上
薦士詩注

上堂問起居

韓曰選顏延年詠
史上堂拜嘉慶

父母不感感妻子不咨咨嗟哉董生

孝且慈人不識

絕句

惟有天翁知生祥下瑞無時期家有

狗乳出求食鷄來哺其兒啄啄庭中拾蟲蟻

韓曰陶侃
詩山雞啄

蟲蟻哺之不食鳴聲悲傍徨躑躅久不去以翼來覆待狗

歸

孫曰覆蓋也讀作去聲
躑躅直炙切躑厨玉切

嗟哉董生誰將與儔

儔匹時

之人夫妻相虐兄弟為讎食君之祿而令父母愁亦獨

何心嗟哉董生誰將與儔

一作將無與儔

烽火

韓曰周幽王為烽燧寇至則舉以招兵諸侯患之公感時而有取云唐曰時吳少誠敗韓全義兩都甚擾

擾公詩以此作

登高望烽火

孫曰烽火如今桔槔火鍾其頭若冠誰謂至然火急放之權重本低即見烽火誰謂

塞塵飛

韓曰選鮑明遠詩迅風首旦發平路塞飛塵

王城富且樂曷不事光

輝勿言日已暮

孫曰日暮老將至也主父偃曰吾日暮途遠

相見恐行稀願

君熟念此秉燭夜中歸

韓曰杜詩夜闌更秉燭孫曰古詩晝短苦夜長何不秉燭遊欲

其及時自娛樂
我歌寧自感乃獨淚霑衣

汴州亂二首

樊曰汴州自大歷後多兵劉元佐死子士寧代之無度其將李萬榮逐之代為節度使萬榮死董晉實代之晉卒軍司馬陸長源總留後事八日而軍亂殺長源等監軍俱文珍密名宋州刺史劉逸準使總後務朝廷從之賜名全諒故公此二詩卒章各有所諷韓曰公是時已從晉喪出汴四日實貞元十五年二詩之作蓋譏德宗姑息之政云

汴州城門朝不開天狗墮地聲如雷

樊曰天官書天狗狀如犬奔有聲其

下止地類狗漢吳楚七國反天狗過梁野及兵起遂伏尸流血其下韓曰山海經圖天門山有赤犬名曰天狗

其光飛天流而為星長數十丈其疾如風其聲如雷其
光如電孫曰漢天文志天狗狀如大流星有聲見則破
軍殺將健兒爭誘殺留後留後陸長源也誘一作誘連屋累棟燒成灰

諸侯咫尺不能救孤士何者自興哀

母從子走者為誰

韓曰語執輿者為誰

大夫夫人留後兒

孫曰謂長源之

妻子唐曰長源以御史大夫為留後見集送權秀才序云

昨日乘車騎大馬坐者起

趨乘者下廟堂不肯用干戈

青一作敢

嗚呼奈汝母子何

利劍

韓曰此詩次汴州亂後不平之氣畧見于此

利劍光耿耿佩之使我無邪心故人念我寡徒侶

一作無傷

侶持用贈我比知音我心如冰劍如雪不能刺讒夫

韓曰

此朱雲願借上方斬馬劍用斷佞臣一人頭之意也

使我心腐劍鋒折決雲中斷

開青天

韓曰莊子說劍上決浮雲下絕地紀

噫劍與我俱變化歸黃泉

補注

晉書雷煥得鄆城寶劍一與張華一自佩華誅劍失所在煥死其子持過延平津忽於腰間躍出墮水化為兩

龍而去

齟齬

集注貞元十五年鄭滑大水公十六年自京師歸彭城作詩云去歲東郡水生民為流屍

而此詩亦云河堤決東郡老弱隨驚湍詩意相類大抵言當世之士齷齪無能為國慮者

齷齪當世士所憂在饑寒但見賤者悲不聞貴者歎音

大賢事業異遠抱非俗觀報國心皎潔念時涕洟瀾韓

選歐陽堅石詩揮筆涕洟瀾妖姬坐左右柔指發哀彈韓曰潘安仁

之哀彈彈音壇酒肴雖日陳感激寧為歡秋陰欺白日欺一作蔽

泥潦不少乾韓曰宋玉九辨皇天淫溢而河隄決東郡

東郡滑州老弱隨驚湍祝曰湍急瀨孟子性天意固有

見題注屬一作謂誰能詰其端願辱太守薦得充諫諍官排雲

呌閭闔

祝曰閭闔天門楚辭排闥闔而望予。閭音昌闔音盍

披腹呈琅玕

琅玕美玉

致君豈無術自進誠獨難

五百家註昌黎文集卷二

謹案第四頁後六行中流上灘潭刊本灘潭訛沙
灘據考異及本注改

第十二頁前一行羈旅感和鳴刊本和鳴訛陽和
係沿誤本之舊據舉正及考異改

第十五頁前一行注零陵今永州刊本今訛隸據
宋史地理志及天德堂本改

第十六頁前八行官吏不之制刊本之訛知據考
異及唐音統籤改

第十七頁後三行注作潯者非刊本者訛音據文

義改

第十八頁前六行湖游泛潯沅刊本湖訛湘係沿
誤本之舊按此言在林邑日非湘地也據舉正
考異及天德堂本改

第二十頁前一行注李夫人傳延年歌曰刊本訛
李延年傳漢武歌曰據漢書改

第二十八頁後二行注上林賦曰偁側泌節刊本

上林訛字虛據漢書及文選改

第三十頁後五行北風忽震蕩刊本北訛牝據唐
音統籤改

第三十五頁後八行睢岸連門停刊本停訛庭係
沿誤本之舊據考異改又注時徹亦來徐刊本
徹訛籍據本題及文義改

第三十八頁後三行注自我豸忝備列已下刊本
豸誤冠據本詩改


第四十二頁前五行注慈以旨甘刊本訛慈以甘
旨據禮記內則改

第四十三頁後二行注內則八珍謂淳熬淳母炮
豚若牂膾珍漬熬肝膋也刊本脫淳熬二字又
若牂訛炮牂據內則及鄭注孔疏增改

第四十七頁後八行注衣則短褐刊本短訛短據
列子及文義改

第四十八頁前四行不我虞刊本我訛敢據東雅

堂及天德堂本改





總校官庶吉士 臣侍 朝

校對官庶吉士 臣陳文樞

謄錄監生 臣宋 鐸

欽定四庫全書外薈要

集部

五百家註昌黎文集卷三

四



詳校官助教臣常循

五百家註昌黎文集卷三

宋 魏仲舉 編

古詩

河之水二首寄子姪老成

孫曰老成公兄介之子貞元十三年來省公於汴州明年歸取其孥十五年董晉薨公去汴州不果來公佐徐州未幾而罷又不果來十七年公有此詩韓曰觀公祭老成文則知公眷眷之情與此詩一也詩云我不如水東流我有孤姪在海取則祭文吾念汝從于東之意詩云我徂京師不遠而還則祭文所謂暫相別終當久相與處之意

河之水去悠悠我不如水東流我有孤姪在海陬

子侯切

三年不見兮使我生憂日復日夜復夜三年不見汝使

我鬢髮未老而先化

河之水悠悠去我不如水東注我有孤姪在海浦三年

不見兮使我心苦採蕨于山

韓曰詩草蟲陟彼南山言採其蕨

緡魚于

泉

韓曰緡魚緡詩其釣維河維絲伊緡樊曰採蕨必於山緡魚必於淵求祿必於京師興也○緡武巾切泉

當作淵避高祖諱作泉

我祖京師不遠而還

而一作其

山石

樊曰此詩編次於河之水後當是去徐即洛
時作故其後有人生如此自可樂豈必局束
為人轡之句蘇內翰嘗與客遊南溪醉後相
與解衣濯足因詠公此篇慨然知其所以樂
而忘其在數百年之外因次其韻見坡集

山石犖确行徑微

孫曰犖确山不平貌上呂角切下音覺

黃昏到寺蝙蝠

飛

祝曰說文蝙蝠服翼崔豹古今注一名仙鼠○蝙蝠音邊蝠音福

升堂坐階新雨定

一作

足

芭蕉葉大梔子肥

舊作支子支即梔字

僧言古壁佛畫好以火

來照所見稀鋪牀拂席置羹飯疎糲亦足飽我飢

糲麤祝

曰脫粟也列子食則粱糲○糲音賴又蘭未切

夜深靜卧百蟲絕清月出嶺光

入扉天明獨去無道路出入高下窮烟霏山紅澗碧紛

爛漫

補注東坡詩云聲確何人似退之意行無路欲從誰宿雲解駁晨光漏獨見山紅澗碧時皆采公此

篇中語也。爛或作闌

時見松樾皆十圍

樾字當作標

當流赤

足蹋澗石水聲激激風生衣

生一作吹

人生如此自可樂

一作

可自樂

豈必局束為人鞿

韓曰前漢灌夫傳廷論局趣効轅下駒鞿馬絡祝曰楚辭余雖

好脩姱以鞿羈兮注鞿在口曰鞿前漢是猶以鞿而御驛突孫曰言為人所鞿繫也。鞿音幾

嗟哉吾

黨二三子安得至老不更歸

天星送楊凝郎中賀正

樊曰凝字懋功號州弘農人貞元十二年以
檢校戶部郎中充宣武軍節度判官公時與

凝同佐董晉幕此詩
送其自汴朝正于京

天星牢落雞喔咿

牢落疎貌喔咿雞鳴聲祝曰後漢王
延壽王孫賦聲嗥而喔咿補注楚

詞吾將喔咿嚄咷以事婦人手喔咿
嚄咷强笑嚄也○喔音渥咿音伊

僕夫起餐車載脂

孫曰詩載脂載轄還
車言適謂將行也

正當窮冬寒未已

蔡曰按時貞元
十四年之十二

月借問君子行安之會朝元正無不至

孫曰唐制諸
州有朝正使受

命上宰須及期

孫曰上宰
董晉也

侍從近臣有虛位公今此去

何時歸

孫曰恐凝遂留京
師一本作歸何時

汴泗交流贈張僕射

孫曰貞元十五年公在徐州張建封幕汴水徐之西泗水徐之南故以名篇樊曰公集有諫張僕射擊毬書此詩言此誠習戰非為劇豈若安生行良圖蓋亦以譏之也

汴泗交流郡城角
斫場千步平如削

韓曰斫猶言鋤治也周禮仲秋教大

閭虞人萊所田之野注芟除其田之草萊令車得驅馳。斫音竹一作築

短垣三面繚逶迤

擊鼓騰騰樹赤旗
新秋朝涼未見日

蔡曰按時貞元十五年之七月也

公早結束來何為
分曹決勝約前定

曹偶也

百馬攢蹄近

相映

攢音噴

毬驚杖奮合且離
紅牛纓紱黃金羈

孫曰以紅牛毛

為纓紋黃金為羈所以飾馬韓曰梁吳筠曰白馬黃金
羈杜詩白馬嚼嚙黃金勒選白馬篇白馬飾金羈○

一作
側身轉臂著馬腹霹靂應手神珠馳超遙散漫兩

閑暇揮霍紛紜爭變化

補注揮霍奮迅也
枚乘曰蛟螭揮霍

發難得巧意

氣羸

韓曰史記晏嬰傳意氣揚揚甚自得也蔡曰前
漢項羽圍漢王於滎陽漢王怨與酈食其謀撓楚

權食其欲立六國後以樹黨漢王將立之以
問張良良發八難漢王曰豎儒幾敗乃公事謹聲四合

壯士呼

謹喧也
音歡

此誠習戰非為劇豈若安坐行良圖當

今忠臣不可得公馬莫走須殺賊

和

張建封

僕本修文持筆者今來帥領紅旌下不能無事習蛇
矛閑就平塲學便馬軍中伎養驍智才競馳駿逸隨
我來護軍對引相向去風呼月旋期先開俯身仰擊
復旁擊難於古人左右射齊觀百步透短門誰羨養
由遙破的儒生疑我新發狂武夫愛我生輝光杖移
驥底拂尾後星從月下流中場人人不約心自一馬
馬不鞭蹄自疾凡情莫辨捷中能拙目翻驚巧時失
韓生訝我為斯藝勸我徐驅作安計不知戎事竟何

成且愧吾人一言惠

忽忽

樊曰公貞元八年第進士十二年始佐董晉
汴州十五年晉薨汴亂公依張建封于徐故
曰忽忽乎余未知為生之樂也此豈非所謂
天之降大任於是人必先窮餓困苦之如是
歟補注前漢王褒傳太子苦忽
忽善忘不樂名篇意或出此

忽忽乎余未知為生之樂也願脫去而無因安得長翮

大翼如雲生我身

北齊邢子才遊仙詩安得金仙術兩
腋生羽翼郭璞遊仙詩仰思舉雲翼

延首
玉掌

乘風振奮出六合絕浮塵死生哀樂兩相棄是

非得失付閑人

鳴鴈

樊曰此詩興也公在徐州與孟東野書有曰
去年脫汴州之亂遂來於此主人與余有故
居余符離睢上及秋將辭去因被留以職事
默默在此行一年矣今年秋聊復辭去江湖
余樂也與足下終幸矣主人謂張建封公在
徐鬱鬱不得志故見于書與詩者如此其義
也

嗷嗷鳴鴈鳴且飛

鴻鴈一作鴻鴈韓曰詩
鴻鴈于飛哀鳴嗷嗷

窮秋南去春

北歸

祝曰管子桓公曰鴻雁
春北而秋南不失其時

去寒就暖識所依

一作處

天

長地潤棲息稀風霜酸苦稻梁微

韓曰鴻鴈事前韓多使稻梁事蓋出戰國

策廣絕交論云分鴈鷺之稻梁又杜甫鴈詩自古稻梁多不足

羽毛摧落身不肥

韓曰李白

鳴鴈行凌霜觸雪毛體枯畏蓬繒繳驚相呼蓋公自狀其窮苦者如此

徘徊反顧羣侶違

哀鳴欲下洲渚非

韓曰公時與孟東野書言其來徐之狀此又見其懷故舊之意耳

江

南水潤朝雲多

朝一作朔韓曰杜詩朔雲邊雪滿西山

草長沙軟無網羅

閑飛靜集鳴相和違憂懷息性匪他

息一作惠

凌風一舉君

謂何

韓曰公與東野書又云今秋聊復辭去云云此又見其有思鄉之意

龍移

韓曰此詩謂南山湫也湫初在平地一日風雷移居山上其山下湫遂化為土長安人至今謂之乾湫公題炭谷湫詩云厭處平地水巢居揀天山其此之意歟

天昏地黑蛟龍移雷驚電擊雄雌隨

一作雄雌

清泉百丈化

為土魚鱉枯死吁可悲

雉帶箭

樊曰公陽山縣齋詩有曰大梁從相公彭城赴僕射弓箭圍狐兔然竹羅酒炙此詩公佐張僕射于徐從獵而作也讀之其狀如在目前蓋寫物之妙者

原頭火燒靜兀兀

韓曰唐太宗出獵詩平原燒火紅

野

雉畏鷹出復沒將軍欲以巧伏人盤馬彎弓惜不發地
形漸窄觀者多雉驚弓滿勁箭加衝人決起百餘尺紅
翎白鏃隨傾斜祝曰鏃箭鏃也列子善射者能令後鏃中前括將軍仰笑軍吏
賀五色離披馬前墮韓曰爾雅雉五色皆備曰輦

條山蒼

韓曰條山山名在河中府河中公故居在焉

條山蒼河水黃浪波汙汙去

韓曰汙汙轉流也。汙音云又音渾浪一作滄松

栢在高崗

祝曰選阮嗣宗詠懷松栢翳崗岑

贈鄭兵曹

韓曰鄭或以為鄭通誠張建封節度武寧時通誠為副使公為其軍從事樽酒相逢在其時歟樊曰白樂天哀二良云祠部員外郎鄭通誠此云兵曹所未詳也

樽酒相逢十載前君為壯夫我少年樽酒相逢十載後

我為壯夫君白首

樊曰公貞元十五年去汴即徐為軍從事時年三十有二故云

我材

與世不相當戢鱗委翅無復望

韓曰選與稽茂齊書時不我與垂翼遠逝鋒鉅

靡加六翮摧屈戢歛也阻立切望平聲

當今賢俊皆周行君何為乎亦遑

遑

亦一作獨

盃行到君莫停手破除萬事無過酒

桃源圖

孫曰陶淵明集晉太元中武陵人捕魚緣溪行忘路遠近忽逢桃林夾岸數百步漁人甚異之前得一山山有小口便捨船從口入其中土地平曠往來種作悉如外人見漁人大驚問所從來具答之便要還家為設酒殺雞作食自云避秦來此乃不知有漢無論魏晉也洪曰淵明敘桃源事初無神仙之說梁任安貧為武陵記亦祖述其語耳淵明云先世避秦時亂而安貧云曩以避秦之亂邑人相率攜妻孥隱此厥後絕不外通何人世之多遷貿也後人不深考因謂秦人至晉猶不死遂以為地仙洪駒父云荆公桃源行東坡和桃源詩皆得之王摩詰退之劉夢得諸人以為神仙皆非是淵明載漁人所遇時稱晉太

元中任安貧云太康中退之詩云自說經今
六百年按始皇三十四年築長城燔詩書明
年坑儒生三十七年胡亥立三年而滅於漢
二漢四百二十五年而為魏魏四十五年而
為晉晉武帝即位十五年至是凡四百九十
二年明年改元太康自太康元年至孝武帝
時寧康三年凡九十六年通五百八十七年
明年改元太元至太元十三年乃及六百年
夢得詩亦云金行太元歲安貧之記誤也韓
曰南宮先生欣得之波濤入筆驅文辭此必
與一即官廢和不
復詳其名氏矣

神仙有無何渺茫桃源之說誠荒唐流水盤迴山百轉

生綃數幅垂中堂

綃生綃也

武陵太守好事者

孫曰武陵郡朗州國朝改

為昂州

題封遠寄南宮下

孫曰南宮禮部

南宮先生忻得之波濤

入筆驅文辭文工畫妙各臻極異境恍惚移於斯

恍惚許往切

骨切

架巖鑿谷開宮室接屋連牆千萬日羸顛劉蹶了

不聞

孫曰羸顛劉蹶謂秦漢之亡

地坼天分非所恤

孫曰地坼天分謂晉魏之亂

種桃處處惟開花川原近遠蒸紅霞

蒸一作蒸

初來猶自念

鄉邑歲久此地還成家漁舟之子來何所物色相猜更

問語大蛇中斷喪前王

韓曰漢書高祖為亭長夜徑澤中前有大蛇乃拔劍斬之蛇分

為兩道開蓋白帝子化為蛇當道而高祖以赤帝子斬之也

羣馬南渡開新主

孫曰晉太

安之際童謡曰五馬浮渡江一馬化為龍五馬謂琅邪西陽汝南南頓彭城五王琅邪竟登大位是化為龍也

蔡曰按晉元帝姓司馬氏聽終辭絕共悽然自說經今太興元年即位都於金陵

六百年當時萬事皆眼見不知幾許猶流傳爭持酒食

來相饋禮數不同罇俎異月明伴宿玉堂空骨冷魂清

無夢寐夜半金雞啁哳鳴祝曰啁哳聲也楚辭鷗羅啁哳而悲鳴。啁音嘲哳陸韻

切火輪飛出客心驚孫曰火輪日也人間有累不可住依然離

別難為情舡開棹進一迴顧萬里蒼蒼烟水暮世俗寧

知偽與真至今傳者武陵人

東方未明

韓曰此詩與煌煌東方星興寄頗同蓋指順宗即位不能親政而憲宗在東宮之時也時賈耽鄭珣瑜二相皆天下重望王叔文用事相繼引去此詩所以喻東方未明大星沒也執誼叔文初相汲引此詩所以喻獨有太白配殘月也順宗已厭機政執誼叔文尚以私意更相猜忌此詩所以有嗟爾殘月勿相疑同光共影須臾期也及憲宗立而叔文執誼竄猶東方明而殘月太白滅此詩所以喻殘月暉暉太白睽睽雞三號更五點也意微而顯誠得詩人之旨樊曰公憶昨行所謂任文未剪崖州熾雖得赦宥常愁猜近者三姦悉破碎月窟無底幽黃能義與此詩同惟此詩曰東方未明所以微其辭如此蓋風人之託

物也未明舊
本作半明

東方未明大星沒獨有太白配殘月

孫曰太白長庚韓曰太白西方星故

云配月又太白主大臣其號為上公故公有取焉

嗟爾殘月勿相疑同光共影

須臾期殘月暉暉太白睽睽

祝曰字當從目暫視貌太元經明復睽天中獨爛也

音閔

雞三號

韓曰史記雞三號卒明補注杜詩初鳴度必三號音毫

更五點

贈唐衢

集注衢從退之游舊史附公傳末新史削之舊史云衢應進士久而不第能為歌詩意多感激見人文章有所傷歎者讀訖必哭涕泗不能已每與人言論既別發聲一號音辭悲

切聞者莫不涕下故世稱唐衛善哭白樂天亦嘗贈以詩略云賈誼哭時事阮籍哭路歧

唐生今亦哭異代
同其悲者是也

虎有爪兮牛有角

蔡曰角協音鹿

虎可搏兮牛可觸奈何君獨

抱奇材手把鋤犁餓空谷當今天子急賢良匭函朝出

開明光

孫曰武后垂拱二年命鑄銅為匭置之朝堂以受天下表疏銘其東曰延恩獻賦頌求仕進者

投之南曰招諫言朝政得失者投之西曰伸冤有冤抑者投之北曰通玄言天象災變及軍機秘計者投之光

明殿名也○匭音軌函胡岳切

胡不上書自薦達坐令四海如虞唐

蔡曰

虞唐國號也堯居於唐舜封於虞故堯舜號唐虞氏

貞女峽

孫曰在連州桂陽縣貞元十九年冬公自監察御史謫連州陽山今有此詩樊曰荊州記秦時有女子化入石在東岸穴中

江盤峽東春湍豪

湍它端切

雷風戰鬪魚龍逃懸流轟轟射

水府

轟呼宏切

一瀉百里翻雲濤漂船擺石萬瓦裂

祝曰擺開也又

擺撥吳志注擺撥衆人之義○擺補買切

咫尺性命輕於毛

一作鴻毛

贈侯喜

韓曰洛水在河南縣北易乾鑿度曰王者有盛德之應則洛水先溫故號溫洛公貞元十

七年七月二十一日與李景興侯喜尉延分
同漁于洛洛北惠林寺有石刻在焉詩必是

時作佳句云云以復其意興寄遠矣居曰
公於佳書文云我釣我遊莫不我隨指此

吾黨侯生字叔

起字

呼我持竿釣溫水平明鞭

馬出都門盡日行行荆棘裏溫水微茫絕又流深如車

轍闊容輶

張流切

蝦蟇跳過雀兒浴此縱有魚何足求我

為侯生不能已盤針擘粒投泥滓

祝曰擘分擘也禮記
塗皆乾擘之韓曰列

子詹何以芒針為鉤剖粒為餌皆言其小也○滓阻史切晡時堅坐到黃昏

晡晚也
祝曰日

加申時淮南子至
于悲谷是謂晡時

手倦目勞方一起暫動還休未可期

蝦行蛭渡似皆疑

祝曰蛭水蟲博物志水蛭三段而廣三物前漢夫豈從蝦與蛭蟻蛭音質

蝦一作鮒

舉竿引線忽有得一寸纔分鱗與鬚

祝曰儀禮魚進鬚注脊也

音祈是日侯生與韓子良久歎息相看悲我今行事盡如

此此事正好為吾規半世遑遑就舉選一名始得紅顏

衰

韓曰續仙傳藍采和者常於市中歌曰紅顏一春樹流年一擲梭

人間事勢豈不見

徒自辛苦終何為便當提携妻與子南入箕潁無還時

蔡曰箕山名潁水名地理志潁水出陽城漢有潁陽臨潁二縣高士傳許由者貞固之士也巢居穴處無杯杆每以捧水而飲之有遺其瓢者由操飲畢輒掛於林杪風至瓢有聲由以為煩取而弃之堯聘為九州長由不

赴遂洗耳於河惡聞其聲終隱於箕山

叔延君今氣方銳我言至切君勿

嗤君欲釣魚須遠去大魚豈肯居沮洳

孫曰詩有汾沮洳沮洳漸濕也

樊曰蘇東坡記儋耳上元放杖而笑過問何笑曰自笑也然亦笑君遠之釣魚無所得更欲遠去不知走海者未必得大魚也蓋公作此詩時年三十四去徐居洛方有求官求東洛之語而東坡則晚歲儋耳發於憂患之餘覽者無以為異沮洳音疽茹肯一作有

古意

韓曰華山記云山頂有池生千葉蓮花服之羽化因曰華山觀公詩意與前詩皆有興寄其曰古意旨深遠矣樊曰公縣齋有懷曰求官求東洛犯雪過西華答張微曰洛邑得休

告華山窮絕陘李肇國史補言愈好奇登華山絕峯度不可反於狂慟哭縣令百計取之乃下而沈顥作登華旨略曰仲尼悲麟悲不在麟也墨翟泣絲泣不在絲也且阮籍縱車於途途窮輒慟豈始慮不至耶蓋假事諷時致意於此爾文公憤超榮貪位者若陟懸崖險不能止至顥危踣蹶然後歎不知稅駕之所焉可及矣悲夫文公之旨微沈子幾晦哉按公諸詩及國史補所云公實如此初無它旨也

太華峯頭玉井蓮

唐曰山海經曰華山一名太華

開花十丈藕如船冷

比雪霜甘比蜜一片入口沉痾痊

韓曰痾病也晉史樂廣傳沉痾頓愈又潘

岳閑居賦膏膳載加舊病有痊於何切痊音詮

我欲求之不憚遠青壁無路難

黃緣

韓曰選琴賦丹崖崕巖青壁萬尋一本作五月壁路難攀緣

安得長梯上摘實

下種七澤根株連

孫曰司馬相如子虛賦楚有七澤其小者名雲夢方九百里韓曰列子言

五山曰根株不相連著

八月十五夜贈張功曹

契曰張功曹署也公與張以貞元二十一年二月二十四日放自南方俱徙掾江陵至是侯命於柳而作是詩公在江陵祭柳州李使君云輟行謀於俄頃見秋月之三鼓逮天書之下降猶低回以宿留此其證也詩怨而不亂有小雅之風

纖雲四卷天無河

孫曰謂天河

清風吹空月舒波

孫曰舒展也波月光

韓曰選傳休奕雜詩清風何飄飄微沙平水息聲影絕
月出西方纖雲時髣髴渥露霑我裳

一盃相屬君當歌

契曰漢灌夫傳夫迎田蚡過賓嬰及飲酒酣夫起舞屬蚡顏師古曰屬付

也猶今之舞訖相勤也。屬之欲切

君歌聲酸辭且苦不能聽終淚如雨

韓曰選古詩泣涕零如雨

洞庭連天九疑高

韓曰洞庭今在岳州九疑今在道州

蛟龍

出沒猩艷號

孫曰猩猩似猿能言聲如小兒艷鼠名一曰飛生音吾

十生九死到

官所

孫曰官所臨武

幽居默默如藏逃

韓曰莊子逃虛空者藜藿柱乎鼯鼯之逕跟位

其空聞人足音
蹒然而喜矣

下林畏蛇食畏藥海氣濕蟄重腥臊

濕

一作溫熏
一作重

昨者州前搥大鼓嗣皇繼聖登靈臯

孫曰貞元二十一年

正月順宗即位

赦書一日行萬里

孫曰是年二月甲子赦天下

罪從大辟皆

除死

一作徙

遷者追迴流者還滌瑕蕩垢朝清班州家申

名使家抑

孫曰使家謂湖南觀察使

坎軻祗得移荆蠻

孫曰荆蠻江陵軻口个切

又音可

判司官卑不堪說

孫曰判司功曹

未免極楚塵埃間

韓曰老杜

送高書記詩脫身薄尉中始與極楚辭借問今何官觸熱向武威唐曰即江陵途中寄三翰林云何況親狂獄

敲榜發姦偷者也○極之累切蔡曰按唐制參軍簿尉有過即受笞杖之刑猶今之胥吏也故杜牧詩有云參

軍與簿尉塵土驚動勦一語不中治鞭笞身滿瘡是也

同時輩流多上道天路幽

險難追攀君歌且休聽我歌我今與君豈殊科

一本云我歌今

與君殊科

一年月明今宵多人生由命非由他有酒不飲奈

明何

謁衡嶽廟遂宿嶽寺題門樓

孫曰爾雅霍山為南嶽一名衡山樊曰唐衡
山隸潭州神龍五年來屬衡州有南嶽衡山
祠蘇內翰登州觀海市詩云潮陽太守南遷
歸喜見石廩堆祝融過太行詩序云予南遷
其必反乎此退之登衡山之祥也又潮州廟
記云公之精神能開衡山之雲皆取此事觀
蘇公海市詩則公此篇疑自潮州還作然永
貞元年公自陽山徙掾江陵嘗有委舟湘流
往觀南嶽之語詩當是此時作時年三十八
故其辭豪以放潮州還後則節簡嚴重無復

此作矣補注公前後兩謫南方初自陽山北還過衡在永貞元年八月至潭適當殘秋陪杜侍御遊湘西寺詩云是時秋向殘是也今云我來正逢秋雨節故知此詩自陽山還時作後自潮州移刺袁州則元和十五年十月蓋未嘗過衡據袁州謝上表云去年正月貶授潮州刺史其年十月准例量移云云即自潮徑當來袁又未嘗遇秋雨節時也蘇公海市詩中所云捕言之耳

五嶽祭秩皆三公

孫曰禮記天子祭天下名山大川五嶽視三公秩次也因其次第而祭之

爾皆一作比四方環鎮嵩當

韓曰白虎通曰嵩山夾居四方之中故曰嵩孫曰周禮其

山鎮曰會稽注鎮名山地德者也

火維地荒足妖怪

維方

天假神柄專

其雄

孫曰神衡山之神

噴雲泄霧藏半腹雖有絕頂誰能窮

補注

老杜望嶽詩云會當凌絕頂一覽衆山小

我來正逢秋雨節陰氣晦昧無清

風潛心默禱若有應豈非正直能感通

孫曰詩神之聽之正直是與非

字一作即

須臾靜掃衆峯出仰見突兀撐青空

孫曰撐雲霄間祝曰選離

樓梧之相撐○撐拙庚切

紫蓋連延接天柱石廩騰擲堆祝融

孫曰衡山

有五峯紫蓋天柱石廩祝融芙蓉石廩一名石圀

森然魄動下馬拜松栢一逕

趨靈宮

孫曰靈宮嶽廟韓曰廬元明嵩山記嵩山最是栖神之靈藪長松綠栢生於嶺間

粉牆

丹柱動光彩鬼物圖畫填青紅升階偃僂薦脯酒

僂於武切

僂音

欲以菲薄明其衷

孫曰菲薄所祭之具衷誠也

廟內老人識神

意

內一作令

睢盱偵伺能鞠躬

孫曰睢盱顧視貌偵候也祝曰選偵謀不敢東窺。睢許

佳切盱香于切偵丑鄭切

手持盃琰導我擲

韓曰盃琰巫以占卜吉凶之器也。琰音教一

本作孟教

云此最吉餘難同竄逐蠻荒幸不死

孫曰蠻荒陽山衣食

纔足甘長終

樊曰弃捐填溝壑長終而不得反見扁鵲

侯王將相望久絕神

縱欲福難為功夜投佛寺上高閣

孫曰即嶽寺也

星月掄映雲

瞳矐

補注瞳矐本日出貌然前輩月詩多用之如梁劉孝綽月詩瞳矐入林簾之類。瞳音童矐音籠

猿鳴鍾動不知曙杲杲寒日生於東

孫曰詩杲杲出日杲杲初日貌也

岫巖山

孫曰山海經云衡山一名岫巖山與前詩同時作補注東坡中隱堂詩云岫巖何須到韓

公浪自悲謂此詩也岫音矩巖音縷

岫巖山尖神禹碑

韓曰盛洪之荊州記曰南岳周回數百里昔禹登而祭之因夢玄夷使者

遂獲金簡玉字之書徐靈期南岳記曰夏禹導水通濟刻石書名山之高南岳文云高四千一十大南岳即衡

也山字青石赤形摹竒科斗拳身薤葉披

孫曰書序云魯共王得孔子所

藏古文皆科斗文字科斗古篆也以其頭麋尾細類水虫之科斗焉王愷文志曰倒薤書者小篆法也垂枝濃

直若薤葉也

○薤音械 鸞鳳泊拏虎螭

韓曰鸞鳳虎螭皆以象其碑之摹刻如此○拏

汝加切又女書切螭拙知切

事嚴迹秘鬼莫窺道人獨上偶見之我

來咨嗟涕漣漣

祝曰漣漣涕流貌選涕漣漣○漣音漣漣音而

千搜萬索何

處有森森綠樹猿猱悲

猱奴刀切悲一作啼

永貞行

韓曰貞元二十一年正月德宗崩順宗即位病風且瘖不能視朝王伾王叔文用事四月策皇太子八月立為皇帝是為憲宗順宗為太上皇改元永貞此詩所以具載太皇謂順宗小人謂叔文元臣故老謂杜佑高郢鄭珣瑜等嗣皇謂憲宗即官荒即意指劉禹錫生叔文黨貶連州也公方量移江陵而夢得出為連州邂逅荆蠻故作是詩觀終篇之意可

見其為夢得作也樊曰此詩或云自
四門肅穆賢俊登下為別篇非是

君不見太皇諒陰未出令

孫曰天子居喪曰諒陰諒陰謂信默不言意指順宗

即位之時也

小人乘時偷國柄北軍百萬虎與貔

祝曰書如虎如貔

虎屬也

天子自將非它師

一作時

一朝奪印付私黨

孫曰是歲

五月王叔文等以金吾大將軍范希朝為左右神策京西諸城鎮行營節度使以度支郎中韓泰為其行軍司

馬叔文欲奪取宦官兵權以自固藉希朝老將使主其名而實以泰專其事人情不測其所為益疑懼私黨即

也懔懔朝士何能為狐鳴梟噪爭署置

祝曰說文梟不孝鳥也詩為梟

為鴟注惡聲之鳥楚辭鴟梟羣而制之韓曰狐梟楚詞皆以喻小人譏佞公意亦然○梟堅亮切

睽閃

跳踉相嫵媚

祝曰說文跳踉也一日躍也玉篇踉欲行貌孫曰睽閃跳踉得意喜躍之貌相嫵媚

相媚說也。跳音追踉音梁嫵音武媚音眉

夜作詔書朝拜官超資越序曾

無難

樊曰順宗為太子時王伾王叔文有寵至是天下事皆決於叔文而伾為內應韋執誼行之於外崇

辱進退生於造次

公然白日受賂賄

韓曰叔文傳雄藩劇帥陰相賂遺以自結

火齊

磊落堆金盤

韓曰火齊珠名選班固西都賦翡翠火齊流耀含英注珠也樊曰火齊狀如雲母色

如紫金有光耀別之則如蟬翼積之則如紗縠之重沓詳見南史中天竺國祝曰文選磊落漫衍乎其側注衆

多貌。磊貌猥切

元臣故老不敢語

樊曰王叔文用事一日諸相會食叔文至中書欲與

韋執誼計事執誼起迎諸相停筵以待有頃報叔文索飯已與韋相同餐閣中矣杜佑高郢懼不敢言鄭瑜珣

獨歎曰吾豈可復居此位索馬徑歸卧不起

畫卧涕泣何沅澗

沅澗涕下貌

董賢

三公誰復惜

蔡曰前漢董賢傳哀帝元壽元年帝重賢封賢為高安侯欲極其位遂以賢為大司

馬衛將軍是時賢年二十二為三公。三公或作一公

侯景九錫行可歎

蔡曰南史侯景

傳梁武帝崩景立簡文後廢簡文迎豫章王棟即皇帝位太尉郭元建諫曰主上仁明何得廢之大寶二年景

矯蕭棟詔自加九錫冕十有二旒建天子旌旗出警入

蹕九錫一曰車馬二曰衣服三曰樂則四曰朱戶五曰

納陛六曰虎賁七曰斧鉞八曰弓矢九曰秬鬯也。○歎音難

國家功高德且厚天位

未許庸夫干嗣皇卓犖信英主

謂憲宗

文如太宗武高祖

膺圖受禪登明堂

孫曰圖瑞應也

共流幽州鮓死羽

鮓與鮓同禹父名祝

曰楚辭繇婞婞以忘身孫曰書流其工於幽州殛繇于羽山以喻佐叔文也樊曰憲宗立貶叔文渝州司戶明

年殺之餘黨

四門肅穆賢俊登

孫曰書賓于四門四門穆穆四門者四方之門

蔡曰謂是時用杜黃裳鄭餘慶為宰相也數君匪親豈其朋

孫曰謂柳宗元劉禹錫之屬

郎官清要為世稱荒郡迫野嗟可矜

孫曰九月貶韓泰撫州司封郎中韓

睦池州禮部員外郎柳宗元邵州屯田員外郎劉禹錫連州刺史皆自郎官遷謫樊曰禹錫至荊南改武陵司

馬此詩未改武陵前作也

湖波連天日相騰

孫曰騰水波涌起

蠻俗生梗瘴

癘蒸

蔡曰瘴音障熱症也癘音例疾疫也選魏都賦封疆瘴癘

江氣嶺侵昏若凝

祝

侵妖氣周禮一曰侵注陰陽氣相侵左氏赤黑之侵非祭祥也音侵

一蛇兩頭見未曾

補注

孫叔敖為兒出遊見兩頭蛇殺而埋之歸泣謂母曰聞兩頭蛇見者必死怪鳥爭鳴令人憎

爭鳴一作鳴喚蟲蟲羣飛夜撲燈祝曰撲拂着也書其猶可撲滅蠱毒也音古撲普木切

雄虺毒螫墮股肱

集注楚詞蝮蛇蓁蓁又雄虺九首詩自求辛螫史記草無毒螫螫虫行毒

也此言南方風物之惡螫音釋字亦作螫

食中置毒肝心崩

崩壞也

左右使

令詐難憑慎勿浪信常兢兢吾常同僚情可勝

韓曰公嘗與夢

得同為御史補注蔡寬夫詩話云子厚禹錫於退之最厚善然退之貶陽山不能無疑赴江陵途中寄三學士

云同官盡才俊偏善柳與劉或慮語言泄傳之落仇讎云云及其為永貞行憤疾至云數君匪親豈其朋又曰

吾常同僚情可勝則亦見其坦夷尚義待朋友始終也常一作嘗

具書目見非妄徵

韓曰

公以言事先出為連州陽山令至是夢得為連州刺史故書所目見告之嗟爾既往宜為懲也

洞庭湖阻風贈張十一署

孫曰署河間人與公及李方叔同貶南方樊曰永貞元年自陽山徙據江陵十月過洞庭湖作或云赴陽山時作公江陵途中詩叙初赴陽山云春風洞庭浪而此詩則首云十月陰氣盛可知其非矣祭郴州李使君文其略云俟新命於衡陽祭張十一云避風大湖詳見此可

十月陰氣盛北風無時休蒼茫洞庭岸與子維雙舟霧

雨晦爭泄

韓曰漢鄒陽傳浮雲出流霧雨咸集楚詞霧雨淫淫

波濤怒相投雞犬

斷四聽糧絕誰與謀

韓曰孔子在陳絕糧

相去不容步險如礙山

丘清談可以飽夢想接無由男女喧左右飢啼但啾啾

啾啾

小兒聲祝曰楚詞猿啾啾兮狹夜鳴啾啾即由切

非懷北歸興何用勝羈愁雲

外有白日寒光自悠悠能令暫開霽過是吾何求

李花贈張十一署

補注元和元年二月公時為江陵法曹參軍作○一作李有花云云

江陵城西二月尾

見題注

花不見桃惟見李風揉雨練雪

羞比。

揉以手捫也。揉而由切。

波濤翻空杳無涖。

涖水涯音侯。

君知此處

花何似白花倒燭天夜明羣雞驚鳴官吏起金烏海底

初飛來

韓曰金烏日也。隋孟康詠日詩金烏升曉氣。王鑑漾晨曦蔡曰山海經黑齒之北曰湯谷居水

中有扶木九日居下枝一日居上枝皆戴鳥淮南子堯時十日並出草木焦枯堯命羿仰射十日中其九日日

中九鳥皆死墮其羽翼故留其一日也。

朱輝散射青霞開

韓曰選恨賦秋日蕭索浮雲無

光鬱青霞之奇意。

迷亂入眼看不得

一作迷覓亂眼看不得。

照耀

萬樹繁如堆念昔少年著遊燕對花豈曾辭酒盃

一作豈省

曾辭

自從流落憂感集欲去未到先思迴祇今四十已

如此

孫曰公時年三十九

後日更老誰論哉力携一罇獨就醉

一獨

作共不忍虛擲委黃埃

韓曰選蕪城賦直視千里外唯見起黃埃委一作隨

杏花

與前篇同時作

居鄰北郭古寺空

孫曰江陵所居之鄰

杏花兩株能白紅曲江滿

園不可到

孫曰曲江在長安城南公故有懷思之意焉蔡曰西京

雜記朱雀街東龍華寺南有流水詰屈謂之曲江唐劇

譚錄曲江池本秦隍州開元中疏鑿遂為妙境花卉周

環煙水明媚都人遊玩盛於中和節江側旅蒲葱翠柳

曲江曲細柳新蒲為誰綠者是也

看此寧避雨與風二年流竄出嶺外

樊曰公貞元十九年冬出為陽山凡二年至是始為椽江陵所見草木多異同冬寒

不嚴地常洩

孫曰嶺南無大寒故地氣多洩

陽氣發亂無全功浮花浪

藥鎮長有纔開還落瘴霧中山榴躑躅少意思

韓曰本草注躑

躑躅樹生高三四尺花似山石榴或云一名山石榴。躑躅直炙切躑廚玉切

照耀黃紫徒為叢

鷓鴣鉤輦猿呌歇

孫曰鉤輦鷓鴣聲祝曰嶺春記鷓鴣自呼云鉤輦李羣玉詩又聽鉤輦格

磔聲輦張流切

杳藹深谷攢青楓

補注楓木厚葉弱枝善搖。攢音嶺楓音風

豈如

此樹一來翫若在京國情何窮今旦何為忽惆悵

惆悵一作怊

萬片飄泊隨西東明年花發應更好道人莫忘鄰家翁

樊曰八年六月公召拜國子博士明年花發時公為
博士于京矣孫曰道人謂寺僧蔡曰翁愈自稱也

感春四首

韓曰元和元年春掾江陵時作唐曰詩有云
千江隔兮萬山阻又云我恨不如江頭人又
云兩鬢雪白趨埃塵此
在江陵為掾曹審矣

我所思兮在何所情多地遐兮徧處處

上齒據切下如字

東西

南北皆欲往千江隔兮萬山阻

孫曰張衡四愁詩我所思兮在大山欲往從之

梁甫艱我所思兮在桂林欲往從之湘水深我所思兮在漢陽欲往從之隴阪長我所思兮在鴈門欲往從之
雪紛紛兮云東西南北皆欲
往千江隔兮萬山阻取此
春風吹園雜花開朝日照

屋百鳥語

韓曰選邱希範與陳伯之書暮春三月江南草長雜花生樹羣鷺亂飛

三盃取

醉不復論一生長恨奈何許

一作春

皇天平分成四時

樊曰宋玉九辨曰皇天平分四時兮竊獨悲此凜秋

春風漫誕

最可悲

孫曰漫誕飄蕩之貌

雜花粧林草蓋地白日座上傾天維

孫曰傾謂傾側風動而然韓曰西京賦振天維衍地絡

蜂喧鳥咽留不得

孫曰咽噪也留

謂留此花

紅萼萬片從風吹豈如秋霜雖凜烈

一作列凜一作慘

摧落

老物誰惜之

樊曰晉宣帝嘗疾張皇后往省帝曰老物可惜又曰老物不足惜

為此徑

須沽酒飲自外天地棄不疑近憐李杜無檢束瀾漫長

醉多文詞

一作瀾

屈原離騷二十五

樊曰前漢藝文志屈原賦二十五篇蓋離

騷經

一九歌十一天問一九章九遠遊卜居漁父各一凡二十五篇也。屈九勿切

不肯鋪啜糟

與醕

樊曰漁父篇屈原曰衆人皆醉惟我獨醒漁父曰何不鋪糟而飲醕鋪食也醕薄酒補注孔融難魏

武禁酒書云屈原以鋪糟飲醕身困於楚。鋪奔謨切醕呂支切

惜哉此子巧言語不

到聖處寧非癡

韓曰先儒云公以原詞介於莊周司馬遷之間其感春詩云云蓋與屈原

之懲於風諫而傷其違聖之達節也

幸逢堯舜明四目條理品彙皆得宜

孫曰言今遇堯舜之主萬類皆得其宜也

平明出門暮歸舍醕酖馬上知為

誰

韓曰晉山簡每出嬉遊時兒童歌曰日夕倒載歸醕酖無所知時時能騎馬倒着白接羅。醕音茗酖音

鼎一本作
知誰為

朝騎一馬出，暝就一牀卧。詩書漸欲拋，節行久矣破。

破廢

也一本作已久冠歌感髮，不語誤悲齒。墮辜負平生心。

已矣知何奈。

祝曰：元稹立部伎詩：古人邪正將誰奈。○奈乃箇切。一作如何奈。

我恨不如江頭人。

我恨一作奈我

長網橫江，遮紫鱗，獨宿荒陂。

射鳬鴈，賣納租賦，官不嗔歸來，歡笑對妻子。衣食自給。

寧羞貧，今者無端讀書史，智慧祇是勞精神。畫蛇著。

足無處用。

孫曰：史記：楚惠王使杜國昭陽將兵攻齊，陳軫謂昭陽曰：昔人有遺其舍人一卮酒者，舍

人相謂曰數人飲此不足以徧請盡地為蛇蛇先成者
飲之一人曰吾蛇先成舉酒而起曰吾能為之足及為
足而後成人奪其酒而飲之曰蛇固無足今為之足非蛇也○著陟略切
兩鬢雪白趨埃塵

乾愁漫解坐自累與眾異趣誰相親數盃澆腸雖暫醉

韓曰世說王忱曰阮藉胃中至
塊故須酒澆之○澆音曉沃也
皎皎萬慮醒還新

祝曰說文

醒醉醒也楚詞惟
我獨醒○醒音星
百年未滿不得死且可勤買拋青春

樊曰蘇內翰云國史補酒有郢之富水烏程之若下榮
陽之土窟富平之石凍春劍南之燒春杜子美詩有麴
米春裴鉶作傳奇亦有松醪春唐人名酒多以春拋青
春亦必酒名也洪曰東坡云拋青春必酒名予按此詩

在江陵作蓋
江陵酒名也

寒食日出遊夜歸張十一院長見示病中憶花
九篇因此投贈

張十一即功曹署樊白國史補云外郎遺補
相呼為院長補注公與張同自御史貶官又
同為江陵掾公法曹叅軍張
功曹參軍元和元年時也

李花初發君始病我往看君花轉盛

孫曰轉
愈也

走馬城西

怱怱歸

孫曰即上言江陵城西二月
尾花不見桃惟見李者也

不忍千株雪相映

邇來又見桃與梨交開紅白如爭競可憐物色阻携手

孫曰物色
春之景物

空展霜縑吟九詠

祝曰縑絲縑也古樂府新
人工織縑故人工織素。

兼 繚音

紛紛落盡泥與塵不共新粧比端正桐花最晚今

已繁

孫曰禮記月令季春之月桐始華

君不强起時難更

孫曰更再也

關山

遠別固其理寸步難見始知命憶惜與君同貶官

孫曰貶陽

山時夜渡洞庭看斗柄

孫曰北斗柄也

豈料生還得一處

孫曰同在江陵

引袖拭淚悲且慶各言生死兩追隨直置心親無貌敬

念君又署南荒吏

樊曰張在江陵未幾邕管經略使路恕署為判官

路指鬼門

幽且負

樊曰容州北流縣南三十里有兩石相對門闕三十步俗號鬼門開諺曰鬼門開十人九不還

祝曰負遠也前漢

三公盡是知音人曷不薦賢陛下聖

樊曰人臣稱至尊曰陛下其與人言及亦通曰陛下田橫入海居島中漢高帝使人赦橫罪而召之至尸鄉廐

置橫謝使者曰陛下在洛陽今斬吾頭馳三十里形容尚未能敗猶可觀也遂自到囊空甌倒誰

救之

韓曰杜詩囊空恐羞留得一錢看又郭林宗傳孟敏客太原荷甌墮地不顧而去我今一

食日還併

樊曰禮記儒行儒有并日而食

自然憂氣損天和安得康強

保天性斷鶴兩翅鳴何哀繫驥四足氣空橫

祝曰繫維也橫不以

理也孟子其橫逆猶是也

○繫陟立切橫戶孟切今朝寒食行野外綠楊市岸

蒲生迸宋玉庭邊不見人

孫曰宋玉楚人故居在江陵韓曰杜詩曾聞宋玉宅每欲

到荊州荊州即江陵也

輕浪參差魚動鏡自嗟孤賤足瑕疵特見

放縱荷寬政

孫曰言江陵尹之政

飲酒寧嫌殘底深

韓曰桑父在江總席上曰

雖深蓋百罰吾亦不辭也

題詩尚倚筆鋒勁

韓曰鮑明遠擬古詩兩說窮舌端五車推筆鋒

明宵固欲相就醉有月莫愁當火冷

樊曰火令謂禁煙孫曰火令禁火之

時也相傳寒食日介之推焚骸後世一月不舉火云或作有月莫辭燈火冷非是

和張十一憶昨行

補注元和元年江陵作與前數詩相先後

憶昨夾鐘之呂初吹灰

韓曰月令仲春之月律中夾鍾二月之呂也續漢書以享灰實

律之端按厯而候之其月氣至則灰飛而律通孫曰此言元和元年春時也

社公禮罷元侯

廻

韓曰漢高令縣為公社孫曰社公社神謂時社祭罷也樊曰元侯謂江陵帥裴均

車載牲牢

甕舁酒

孫曰牛羊豕曰牢祝曰舁對舉也並召賓客延益部耆舊傳遵勅吏舁尸到音余

並召賓客延

鄒枚

韓曰漢諸侯王皆自治民聘賢吳王濞招致四方游士鄒陽枚乘等俱仕吳以文著名孫曰鄒陽枚

乘梁孝王客

腰金首翠光照耀

孫曰謂娼姬之服飾

絲竹迫發清以哀

青天白日花草麗玉笋屢舉傾金疊

孫曰笋蓋也疊壺也詩我姑酌彼金

疊

張君名聲座所屬

孫曰屬謂衆所屬目。屬朱六切

起舞先醉長松

摧宿醒未解舊店作

補注醒酒病也劉伶五斗解醒店癰疾左傳店作而伏。店失廉切

深室靜卧聞風雷

孫曰謂耳疾若有所聞也

自期殞命在春序

序時也

屈指數日憐嬰孩危辭苦語感我耳淚落不揜何漼漼

樊曰集韻云漼雪霜積聚貌祝曰選指
季豹而漼焉注漼涕泣垂貌漼七回切

念昔從君渡湘

水湘一作湖大帆夜劃窮高桅樊曰帆舟上幔所以泛風劃破也祝曰高桅挂帆柱也玉

篇云船上檣竿帆符咸
切劃忽來切桅五回切

陽山鳥路出臨武

樊曰公責連之陽山令張

為柳之臨武柳在
湖南連則廣南也

驛馬拒地驅頻墮

祝曰墮馬病也詩我馬虺隤杜回切

踐蛇茹蠱不擇死

孫曰蠱謂蠱毒

忽有飛詔從天來

孫曰量移詔也

伍

文未揃崖州熾

補注伍王伍文王叔文崖州韋執誼也揃減也史記西夷揃刺。伍音丕揃子

踐雖得赦宥恒愁猜近者三姦悉破碎

集注元和元年正月順宗即位

二月大赦公自陽山徙掾江陵三姦方用事至其年八月憲宗立貶任開州司馬叔文渝州司戶並員外置十

一月繼貶執誼崖州司馬及是三姦始悉破碎焉

羽窟無底幽黃能

集注能有兩音奴來

切者三足鼈也奴登切者熊屬足似鹿者也左傳堯殛鯀于羽山其神化為黃熊以入于羽淵國語作黃能當音賢能之能然說者謂能既熊屬又為鼈類東海人祭禹廟不用熊白及鼈為饌疑鯀化為二物則兩音亦可通用也
眼中了了見鄉國知有歸日眉方開今君從署天

涯吏

補注邕管奏為判官即前云今君又署南荒吏也○從一作縱

投檄北去何難哉

孫曰投擲也祝曰檄符檄說文二尺書前漢三秦可傳檄而定

無妄之憂勿藥喜

孫曰易無

妄之疾勿藥有喜

一善自足禳千災頭輕目朗肌骨健古劍新

斲磨塵埃殃銷禍散百福併從此直至耆與鮐

孫曰詩俾爾耆

而艾耆老也鮐魚名樊曰詩行葦黃耆台背鄭氏箋云台之言鮐也大老則背有鮐文。鮐音台耆一作耆

嵩山東頭伊洛岸

伊洛二水名

勝事不假須臾裁君當先行

我待滿

韓曰張先遷京兆府司錄

沮溺可繼窮年推

祝曰沮溺人名語長沮桀溺耦

而耕樊曰公家河南而嵩山伊水洛水並隸河南詩意欲與張耦耕於嵩山下也韓曰推字取禮記三推九推之意。沮子魚切推它回切或作催

五百家註昌黎文集卷三